

## AHATA ta urgi pa tuma accion decisivo pa garantisa turismo sostenibel

Pagina 3

- **Actualisacion di Consejo di biahe negativo pa Venezuela : Situacion ta keda tenso y impredecible**  
Pagina 6
- **Cifranan ta muestra riesgo creciente di diabetes na Aruba**  
Pagina 4
- **CBS ta presenta Indice di Prijs di Consumo pa luna di september**  
Pagina 2

Yegada di Sinterklaas y su  
Pietnan ta diadomingo awo  
dia 16 di november 2025



Pagina 6

Corsou: Lider di oposicion ta  
cuestiona orden di silencio  
duna na Ontvanger



Pagina 8

  
**TUI DEALS  
CHRISTMAS**

Biahe ida y buelta pa Amsterdam  
for di **AWG 956,-** pa persona

 Bishita nos TUI shop of nos website [TUI.aw](http://TUI.aw)

Tarifa menciona ta basa riba ida y buelta excl. costo di reservacion.

**75** ANIVERSARIO  
**ELMAR**

**75 AÑA  
ILUMINANDO ARUBA**  
15 NOV 1950

Danki na tur cu a contribui na e desaroyo pa nos Pais Aruba,  
nos ta sigui traha pa un mañan mas Sostenibel y Briyante.





# CBS ta presenta Indice di Prijs di Consumo pa luna di september

## Usando Juni di aña 2019 como base

**E CPI pa luna di September 2025 ta 109.17, cual ta representa un subida leve di 0.02% compara cu e indice di Augustus 2025 (109.14).** E cambio di e CPI pa e ultimo diesdos (12) lunanan (September 2024 te cu September 2025) ta -0.4%, un caida di 1.9 punto di porcentahe (ppt) compara cu e periodo correspondiente di aña pasa (1.5%).

E promedio anual (ultimo 24 luna) di e tasa di inflacion pa e periodonan di September 2022 te cu September 2023 y September 2024 te cu September 2025 ta 0.2%, un caida di 1.8ppt compara cu e 2.0% registra den e periodonan di September 2021 te cu September 2022 y September 2023 te cu September 2024.

Durante e luna aki, cinco (5) di e diesdos (12) sectornan a registra subida di prijs. E subidanan cu tawata tin e mayor efecto riba e CPI a ser registra pa e sectornan di "Restaurant y hotel" (3.0%) y "Mobilario" (0.8%), causando un efecto di respectivamente, 0.15 y 0.07 ppt. E subidanan den e sectornan restante a contribui cu un efecto di 0.08 ppt riba e CPI di September 2025.

E subidanan aki a ser contraresta parcialmente door di principalmente un caida den e indice di e sector di "Recreacion y cultura" (-2.0%) cu a contribui cu un efecto di -0.17 ppt riba e CPI di September 2025. E caidan den e sectornan restante a contribui cu un efecto di -0.11 ppt riba e CPI di September 2025. E subida den e sector di "Restaurant y hotel" a ser causa

principalmente door di un subida di 159.6% den e categoria "Servicio di alohamento", causando un efecto di 0.12 ppt. E subida den e sector di "Mobilario" a ser causa principalmente door di un subida den e categoria "Aparato pa uso domestico" (4.3%), causando un efecto di 0.08 ppt.

E caida den e sector di "Recreacion y cultura" a ser causa principalmente door di caida den e categorianan "Vacacion" (-4.3%) y "Otro articulo y ekipo pa recreacion, hardin y animal domestico" (-2.4%), causando un efecto di respectivamente, -0.09 y -0.06 ppt.


### Canasta di consumo

E canasta di consumo di e CPI ta consisti di 408 bienes y servicionan. Compara cu Augustus 2025, 45.1% di e bienes y servicionan aki a conoce un aumento di prijs causando un efecto di 0.74 ppt, mientras cu 38.7% ta muestra un caida di prijs, cu a contribui cu un efecto di -0.71 ppt y pa e restante 16.2% no tabatin cambio den prijs.

Compara cu Augustus 2025, prijsnan di bienes (-0.2%) a conoce un caida y a causa un efecto di -0.11 ppt, mientras cu prijsnan di servicionan (0.3%) a registra un subida y a contribui cu un efecto di 0.13 ppt riba e CPI di September 2025.

### Core inflation

E CPIC (core inflation) of e inflacion basico ta un porcion di e inflacion unda cierto articulonan cu tin movimientonan di prijsnan volatil ta wordo exclui, manera productonan alimenticio y energetico. Na



momento cu e inflacion basico ser calcula, e componentenan mas volatil ta wordo eliminadi e inflacion total. E indice di e inflacion basico ta sirbi pa evalua e tendencia riba medio y largo plazo di e nivel general di prijsnan. Pa ahusta maneho monetario, hopi economista ta enfoca riba e tasa di e inflacion basico, como cu esaki ta permiti un evaluacion mas profundo di e procesonan di inflacion reciente den e economia.

Ta calcula CPIC door di compara e indice promedio di e periodo di e 12 lunanan mas reciente cu e promedio di e periodo di 12 lunanan anterior (Promedio anual).

### Elaboracion di un CPI tin tres meta principal:

1. Como un metodo di calculo pa compensa empleadonan pa motibo di perdida di poder di compra, ahustando nan salarionan, cu e proporcion di e cambio porcentual di CPI, locual ta conoci como indexing.
2. Como un mecanismo pa ahusta componentenan di e producto domestico bruto (GDP) di termino nominal pa termino real den Cuen-

tanan Nacional. (Por ehempel door di elimina e efectonan di cambionan di prijs di e balor di consumo).

3. Como un medio pa gobiernonan y/of banconan central fihá obhetivonan inflacionario.

E CPIC (core inflation) - CPI excluyendo e efecto di energia y cuminda - a registra na September 2025 un subida di 1.2%. E indice di energia - cu ta consisti di e productonan: electricidad, awa, gasolin y diesel - a registra un caida di 4.2%. E indice di cuminda a registra un subida di 0.8%.

### Bestaansminimum


Kico ta un "Bestaansminimum" y con ta ahusta esaki? CBS ta defini un bestaansminimum como e nivel minimo di entrada cu ta wordo percibi necesario pa un persona of famia por funciona den sociedad di un manera adecuado y socialmente aceptabel.

Ora nos usa e definicion "Bestaansminimum", en realidad ta referi na un "Social Bestaansminimum" y no na e definicion literal di un "Bestaansminimum" cu ta referi na "e suma di placa necesario pa

cumpra e bienes y servicionan cu ta wordo considera necesario pa biba un bida liber di privacionnan basico" (Nacionnan Uni). Un indice a keda crea pa "Bestaansminimum" door di calcula e costo di tur recursonan esencial cu un adulto promedio ta consumi durante un luna. Cada luna e indice aki ta wordo ahusta, a base di e prijsnan di alimento, paña, vivienda, transporte y otro articulonan den e canasta.

E bestaansminimum actual ta wordo basa riba e rapport "Bestaansminimum 2010" publica door di CBS na September 2010, y cual ta actualisa mensualmente segun e CPI. E unidad di referencia usa door di CBS (manera indica den e rapport aki) ta di un hogar cu ta consisti di dos adulto y dos mucha (di 0 pa 14 aña).

Bestaansminimum pa un hogar consistiendo di dos (2) adulto y dos (2) mucha (edad 0-15 aña) na September 2025 ta Afl. 5,521, un subida di Afl. 2 compara cu Augustus 2025 (Afl. 5,519). E bestaansminimum pa un hogar di un (1) adulto ta Afl. 2,629, un subida di Afl. 1 compara cu Augustus 2025 (Afl. 2,628).





# AHATA ta urgi pa tuma accion decisivo pa garantisa turismo sostenibel

Aruba Hotel & Tourism Association (AHATA) a emiti un yamada fuerte pa gobierno tuma accion pa guia e desaroyo turistico di e isla den direccion di sostenibilidad a largo plaso. Representando e sector completo di acomodacion—incluyendo hotel, timeshare, short term vacation rentals y e cantidad di negoshi cu ta depende di turismo—AHATA ta adverti cu e crecimiento rapido di bishitante di Aruba mester bay compaña pa trahamento di politica igualmente decisivo pa evita e riesgonan di sobreturismo y desbalansa economico.

Recientemente mediante un publicacion riba su cuenta oficial di Facebook, AHATA ta reafirma un posicion cu e tin for di 2018: e isla mester di un moratorio riba construccion nobo di hotel y condominio den e region di Eagle Beach y Palm Beach.

AHATA ta indica cu mientras cu e capacidad di hotel a keda pa gran parti stabiel durante añanan recien, e sector di short term vacation rentals (STVR) a subi, creciendo cu un calculacion di 70% for di 2018.

Mientras cu e mercado di STVR ta un parti esencial di e producto turistico di Aruba, su expansion explosivo a surpasa regulacion, loke a conduci na preocupacionnan tocante cumplimiento, permiso di impuesto y aplicacion di reglanan husto den henter e industria. E asociacion ta enfatisa cu tur operador di turismo mester sigui e mesun obligacionnan huridico y fiscal, incluso sigura permisonan di gobierno apropia y huurmento di tereno pa largo plaso, conoci como erfpacht.

AHATA ta señala cu den pasado, gobierno tabata otorga derecho di desaroyo y huur na cierto inversionistanan, dunando nan permiso legalmente vinculante pa construi. Ora e derechonan ey ta na nan luga caba, cualkier intento pa altera, limita of retrasa desaroyo por ser resolvi solamente a traves di dialogo directo entre gobierno y e inversionista. Comunicacion cla y direccion di politica fuerte, AHATA ta argumenta, ta necesario pa evita incertidumbre den e clima di inversion mientras cu toch ta proteha e interesnan di Aruba



a largo plaso.

Den e curason di e mensahe di AHATA ta un cambio pa un strategia di turismo cu ta priorisa balor (e porcentahe di bishitante cu entrada mas halto) riba volumen (cantidad di turista). En bes di core tras di e cifranan di yegada cu cada bes ta aumenta, e asociacion ta kere cu Aruba mester enfoca riba atrae bishitantenan cu ta gasta mas y crea un forma di crecimiento mas balansa y controla. E enfoka aki, e ta bisa, ta esencial pa evita cu e isla ta slip den sobreturismo—un condicion cu por dañá medio ambiente, reduci calidad di bida di residentenan, baha satisfaccion di bishitante y na final debilita e beneficiacion economico cu turismo ta destina pa brinda.

E asociacion tambe ta subraya e necesidad pa maneha turismo crucero miho, particularmente riba diano cu varios barco ta yega simultaneamente. Olanan grandi di bishitante por abruma playanan, areanan di centro di ciudad y atraccionnan natural. AHATA ta recomenda pa establece limitenan diario mas estricto pa proteha e experiencia di e bishitante y reduci presion riba sitionan clave.

Tambe el a ripiti su yamada di hopi tempo pa un regulacion mas cla di UTV y operadornan di deporte acuatico, kende su crecimiento sin monitoreo a lanta preocupacionnan ambiental y di seguridad.

Bon Dia Aruba a tuma contacto cu CEO di AHATA, Tisa LaSorte pa puntra tocante e puntonan cu nan a presenta. LaSorte a enfatisa cu e recomendacionnan aki no ta algo nobo. E organizacion tin añanan caba ta papia

di e asuntonan aki cu funcionarionan di gobierno y den reunionnan formal. El a indica cu e publicacion nobo cu e asociacion a haci ta destina pa trece transparencia y presenta e lista completo di puntonan den un solo formato accesibel. Aunke e asociacion a presenta e proposicionnan aki na varios ocasion, LaSorte ta bisa cu hopi decision clave ta keda pendiente. AHATA ta subraya cu no a pidi gobierno un contesta oficial riba e puntonan aki, sino a ofrece nan recomendacionnan y awor ta spera di mira accion concreto.

E riesgonan di inaccion, LaSorte ta adverti, ta significante. El a splica cu sin accion turismo lo sigui crece sin control necesario, y e efectonan negativo lo resulta den un experiencia di residente y turista mas negativo y un economia menos exitoso. “Un economia menos exitoso ta resulta den un crecimiento di problema social. Nos mester proteha nos futuro cu decision clave awor,” el a enfatisa.

E preocupacion y recomendacionnan aki ta yega na mo-

mento cu e industria di turismo di Aruba ta conociendo un rendimiento fuerte. E isla a ricibi mas cu 1.42 miyon bishitante di estadia na 2024, un aumento di 12.8% compara cu e añan anterior. E crecimiento a sigui te na 2025: pa fin di september, Aruba ya a registra 1.13 miyon bishitante, un aumento di casi 5% for di e mesun periodo na 2024. Na juni so a mira mas cu 126 mil huesped di estadia, cu un crecimiento particularmente robusto for di Argentina, Brasil y Canada.

Pero hasta cu aumento di yegada, pronosticonan economico ta muestra cu crecimiento ta bahando. Banco Central di Aruba (CBA) ta anticipa cu e entradanan di exportacion di turismo lo aumenta cu solamente alrededor di 2.3% na 2025 y 2.1% na 2026, compara cu casi 7% na 2024. E proyeccionnan aki ta sugeri cu Aruba por ta alcansando un limite pa loke ta trata capacidad, fortaleciendo e argumento di AHATA cu e isla mester enfoca riba atrae huespednan cu entrada mas halto en bes di atrae simplemente mas bishitante.

Datonan recien di Aruba Tourism Authority (ATA) tambe ta muestra señalnan trempan di cansancio di residente. Mientras cu un mayoria di e poblacion—rond di 68%—ta keda positivo tocante turismo, preocupacionnan tocante aglomeracion y trafico a bin ta aumentando. E rapport anual ta adverti cu sin miho maneho, sosten publico por debilita, creando riesgonan a largo plaso pa e pilar economico principal di e isla.

E caminda pa bay dilanti ta cla. Aruba mester modernisa su cuadro regulatorio pa cu e fenomeno di short term vacation rentals (STVR), percura pa cumpli cu impuesto husto y consistente, maneha yegada di barconan crucero mas cuidadosamente, y trece operacionnan di UTV y watersport bao di control mas estricto. Na mesun momento, e mester encurasha un modelo turistico cu ta mehora e rendimiento economico en bes di simplemente expande capacidad. Ta asina so, Aruba por evita e trамpanan cu ta mira den otro destinacionnan unda sobreturismo a disminui tanto e bienestar local como e satisfaccion di e bishitante.

Aruba su industria di turismo pa hopi tempo ta e weso di lomba di su economia, creando cupo di trabao, oportunidad y prosperidad riba henter e isla. AHATA su mensahe no ta uno di alarma, pero di urgencia. E isla ta prospera—pero crecimiento sin tuma e accionnan necesario, no ta un formula sostenibel. Cu decisionnan strategico y liderazgo cuidadoso, Aruba tin e chens pa sigura un futuro prospero, balansa pa tanto residente como bishitante.





## Dia Mundial di Diabetes:

# Cifranan ta muestra riesgo creciente di diabetes na Aruba

**Tur aña riba 14 di november, Aruba ta uni na mundo den conmemora Dia Mundial di Diabetes, un campaña mundial crea pa Federacion Internacional di Diabetes y Organizacion Mundial di Salud pa conscientisa y impulsa accion riba diabetes. E ta ser observa riba e fecha natal di Sir Frederick Banting, kende a co-descubri insulina, un tratamiento cu a salba miyones di bida.**



Datonan representativo nacionalmente di e encuesta STEPS Aruba 2023—realisa cu sosten di CBS Aruba y publica riba e website di CBS—ta muestra cu diabetes y su factornan di riesgo ta generalisa bao di adultonan di edad 18–69. Aki ta sigui e resultadonan cu ta mas importante pa Dia Mundial di Diabetes:

Mas o menos 1 di cada 10 adulto (10.2%) tabatin un aumento di glucosa den sanger of tabata riba remedi pa diabetes na momento di midimento. Esaki ta un imagen clinico, midi via testnan di sanger na ayuno y status di remedi, no solamente auto-reporta.

Un 14% adicional tabatin glicemia den ayuno debilita—un señal di advertencia cu hopi biaha ta ser describi como “prediabetes,” caminda sucu den sanger ta eleva pero no den e rango di diabetes ainda.

6.7% di adultonan a informa cu nan ta tumando remedi pa diabetes actualmente, resaltando e demanda pa tratamiento continuo y siguimento den cuido primario.

E factornan di riesgo cu ta pusha glucosa den sanger mas halto ta sumamente comun. Casi 80% di adultonan tin un peso insaludabel (33% sobrepeso, 46% obeso). Calidad di alimentacion ta malo—88% no ta cumpli cu e cinco porcionnan diario recomenda di fruta y/of berdura.

E cifranan aki ta pone un parti substancial di e poblacion adulto riba, of cerca di, e caminda pa diabetes y su complicacionnan. E rapport di STEPS ta subraya cu malesanan no-transmisibles (NCD)—incluyendo diabetes, malesa di curason y cancer—ta e peso di salud dominante na Aruba, y cu preven-

cion rapido y mehoracion di cuido ta urgente.

Diabetes no ta solamente un problema di sucu den sanger—e ta acelera malesa di curason, fayó di riñon, perdida di bista y daño na nervio, y e ta causa gastonan di salud pa famianan y e sistema di salud mescos. Ora cu 10.2% di adultonan ta den e rango di diabetes caba y otro 14% ta den e categoria di “prediabetes” di riesgo halto, e isla ta enfrenta un reto dobel: preveni progreso pa esnan na riesgo y optimalisa maneho pa esnan diagnostica caba.

E peso y e cifranan di diet ta particularmente importante. Cu 46% di obesidad y 33% di sobrepeso, riesgo di estilo di bida ta penetrante. Mehora acceso na cuminda saludabel y crea ambientenan cu ta haci bida activo mas facil no ta djis “dushi pa tin”—nan ta e weso di lomba di prevencion di diabetes.

E datonan di STEPS ta muestra riba puntonan di prioridadnan practico y local cu por mehora e aspecto di prevencion di diabetes.

Busca e casonan cu falta: Screening ta capta diabetes trempan, ora cambianan di estilo di bida y remedinan di prome liña tin e impacto di mas grandi. Adultonan 30+—specialmente esnan cu un historia familiar di presion halto, colesterol halto, of sobrepeso/obesidad—mester pidi nan dokter di cas pa un test di glucosa den sanger of HbA1c na ayuno. E encuesta STEPS a usa criterionan di ayuno y status di remedi pa defini aumento di glucosa den sanger; reflehando e enfoke ey den cuido primario ta haci resultadonan comparabel cu tempo.

Aumenta prevencion pa hende cu glicemia den ayuno de-

bilita: Cu 14% den e rango di prediabetes, programanan structura (training di alimentacion, ehercicionan di actividad fisico, maneho di peso) por preveni miles di desaroya diabetes durante e proximo decada.

Haci escogencianan saludabel mas facil: E resultado cu 88% di adultonan no ta yega e cinco porcion pa dia di fruta/berdura ta pidi pa solucionnan na nivel general di isla: programanan di fruta na luga di trabao, normanan di cantina di scol, y strategianan di prijs of ponemento den supermercadonan cu ta pone producto fresco na alcance facil di cada presupuesto di cas.

Trata loke por ser trata: E encuesta ta subraya e diferencianan di tratamiento entre NCD; mas cu un tercera parti di hende cu un NCD a informa di no a tuma nan remedi prescribi. Pa diabetes especificamente, 6.7% tabata riba remedi na momento di e encuesta—pero uso consistente, control regular di HbA1c, y atencion na presion di sanger y colesterol ta e trio cu ta preveni atake di curason, atake cerebral y fayó di riñon.

Actua riba salud mental tambe: Diabetes y salud mental ta intercambia den tur dos direccion. STEPS a haya nivelnan notabel di sintomanan di ansiedad/depresion den adultonan—mas halto den hende muhe—cu por mina cuido propio. Integracion di screening cortico di salud mental y sosten den bishitanan di diabetes ta un paso di rindimento halto.

E prevalencia di glucosa halto den sanger ta subi cu edad na Aruba—yegando 24% bao di esnan di 60–69—pero esaki no ta nifica cu hobenan adulto no mester worry pa cuida. Prevencion mester cuminsa desde edad hoben caba. Ta importante pa inclui movimiento den rutinanan diario, haci awa e bebida predetermina, y proteha sueño. Pa esnan cu ya ta bibando cu diabetes, cuido mester ta continuo, cu monitoreo regular, control di pia y wowo, y intensificacion di tratamiento na tempo ora e metanan no ta ser cumpli.

### Kico bo por haci riba Dia Mundial di Diabetes?

Conoce bo numbernan. Ta hopi bon pa bo puntra dokter di cas of clinica pa bo glucosa di ayuno (of HbA1c), presion di sanger, colesterol, peso y circunferencia di cintura. Pone un meta realistico pa mehora bo numbernan pa bo siguiente bishita.

Yena mitar di bo tayo cu berdura. Si 88% di poblacion no ta alcanza pa cumpli cu e nan cinco porcion di fruta/berdura pa dia, bo por cuminsa simpel: agrega un porcion, un pida fruta of un porcion

di berdura di e size di bo mokete, na bo cuminda merdia y anochi e siman aki, y sigui construi y mehora bo porcion for di eyan.

Move mas, sinta menos. Scoge un actividad cu bo ta bay haci realmente—cana riba Eagle Beach, baila, traha den hardin—y purba haci esaki pa 150 minuut pa siman. Kibr’e den pida di 10-15 minuut si esey ta necesario pa bo. Actividad fisico tabata un enfoke principal den e evaluacion di STEPS pa bon motibo.

Tuma remedi manera prescribi. Si costo, efectonan secundario of orarionan ta stroba bo, bisa bo dunador di cuido pa asina por yega na un alternativa. Consistencia ta esencial.

Apoya un otro hende. Maneho di diabetes ta mas facil cu un partner—cana hunto, cushina hunto, y tene citanan di dokter hunto, por yuda den tur aspecto. Bo no mester ta bo so.

Diabetes no ta inevitabel. E datonan di STEPS Aruba 2023 ta muestra unda e isla ta para awe; kico ta pasa despues ta depende di con famia, lugarnan di trabao, scol y esnan cu ta traha politica ta responde. Riba Dia Mundial di Diabetes, comunidad por compromete na accion basa riba evidencia: screening trempan, trato consistente, come miho, move diariamente, y diseña ambientenan pa haci e escogencia saludabel y escogencia facil. Si haci esaki, Aruba por pasa e curva di diabetes y proteha e salud y bienestar di tur su habitantenan.





**Editor**  
Caribbean Speed Printers N.V.  
Aruba Bank N.V. Acc. #332668  
Caribbean Mercantile Bank N.V.  
Acc. #23951903  
RBC Royal Bank Acc. #13307728

**Operations Manager**  
Mariette Engelhart-Boekhoudt

**Redaccion**  
noticia@bondia.com

Pilar Flores (hefe di redaccion)  
Angenette Figuereo (closer editor)  
Leo Maduro  
Dilma Arends  
Raisa Montilla  
Oriana Geerman

**Ehecutivo di Benta**  
Sulaika Croes  
sulaika.croes@cspnv.com  
Mark Gomes  
mark.gomes@cspnv.com

**Aviso y Arte**  
Sandra Loefstop  
Lisa Tromp

**Departamento Digital**  
Juan Luis Pinto

**Administracion**  
accounting@bondia.com

Martha Arteta de Ariza

**Distribucion**  
Jenny Kelly

**Coleccion**  
Evelinda de Cuba - Tromp

**Pre Press**  
Luis Fernando Arenas (Hefe)  
Pablo Libre

**Press**  
Roland Schenker (Hefe)  
Omar Ramirez  
Martin Boekhoudt  
Francis Dirksz

**Colaboracion**  
Associated Press  
Ret Karibense  
Data Key

**Afiliacion**  
Sociedad Interamerica  
di Prensa (SIP)

**DIRECCION**  
Adres: Weststraat #22  
Tel: 582-7800  
Email: noticia@bondia.com  
aviso@bondia.com  
info@bondia.com  
Website: www.bondia.com  
Facebook: @bondianoticia  
Instagram: bondiaaruba

BON DIA ARUBA ta un corant  
redacta y imprimi na Aruba y ta  
obenibel di dialuna te cu diasabra.  
Ningun contenido por wordo reproduci  
sin permiso di editor.



## SOLUCIONNAN CU INNOVACION PA ARUBA

### 3D Printing Industrial y Circular Economy

3D printing tambe conoci como “additive manufacturing”, ta un forma relativamente nobo pa produci obhetonan cu awendia ta sumamente avansa den ambos forma y di e material cu ta wordo usa den e produccion. For di literalmente un cas, pa partinan di un motor di avion, 3D printing como tecnologia a yega un punto unda su utilidad practico ta birando mas y mas obvio. Den e columna aki nos lo ta toca e tema di 3D Printing y Circular Economy, y con esaki por ta interesante pa un isla manera Aruba.


#### 3D Printing

Basicamente Imprenta 3D por crea obhetonan fisico for di un representacion door di adicon sucesivo di material. E ta ‘aditivo’ den e sentido cu e no ta rekeri un bloki di material of un molde pa fabrica obhetonan fisico, e ta simplemente pone riba otro y fusiona capanan di material.

Un par di lector lo ta conoci cu e tecnologia aki den sentido practico como hobby, unda tin un 3D printer na cas y ta print varios obhetonan pa b.v. decora cas of di souvenir.

Pero cu avancenan tecnologico di añanan recien, e tecnologia di 3D printing a yega un punto unda e capacidnan ta birando mas y mas impresionante y practico. Por ehempel, un poco tempo pasa a usa un 3D printer industrial pa literalmente print full un boto, yama “3Dirigo”. Tambe por usa 3D printing na nivel industrial awendia pa traha partinan metalico pa por ehempel auto y te hasta parti di un motor di avion.

Tambe cu avancenan den ra-



monan manera Material Science, nos por spera cu pronto por te hasta usa materialnan full nobo y exotico, manera e “Aluminium Alloy” nobo, net anuncia di Massachusetts Institute of Technology. E alloy di aluminium aki, ta pesa

hopi menos cu Aluminium regular, pero ta na mesun momento hopi mas fuerte. Ingenieronan di MIT a designa e version aki di aluminium, specialmente pa e ramo di 3D printing. Den futuro cercano tambe nos por spera,

cu por ehempel por te hasta print, panelnan solar ultra-barata, piezanan pa ingreepnan medico manera un implante, y hopi mas.

#### Economia circular

Esaki ta trece nos na e siguiente tema, esta di Economia Circular. Aruba como isla chikito ta sumamente dependiente di importacion pa casi tur cos cu ta wordo usa na isla. Esaki ta haci cu Aruba ta extremadamente vulnerabel den perspectiva di cadena di suministro. Awo e concepto di Economia Circular, ta pa diseña, produci localmente y te hasta recycle localmente diferente producto pa asina tin hopi menos desperdicio y tambe necesidad di importacion externo.

En combinacion cu tecnologianan nobo manera 3D printing, nos por envisiona cu te hasta por cuminsa produci varios tipo di obhecionnan na Aruba mes, porta te hasta di material recicla. Den tur esaki e materialnan nobo cu por wordo produci na Aruba, por diseña esaki for di dia 1, pa cumpli completamente cu tur e rekisitonan di un Economia Circular, pa asina reduci desperdicio y importacion mas hopi posibel.

En conclusion, 3D Printing a yega un punto unda e no ta solamente pa hobbista mas, pero tambe tin hopi posibilidad sumamente interesante, for di ramo di produccion di diferente piezanan di motor, pa full un boto, y te hasta pa ingreepnan medico. Nos ta experimentando un revolucion den nos capacidnan pa produci diferente producto den setting local. Asina nos por yuda reduci nos dependencia di importacion riba plaso largo strategico.

**Bijles 1op1** cu Simon Waslander **Te cu MAVO 4**

Exacte vakken Economie Geschiedenis.

Pa mas info yama na T. 744-8663 of Email: Simonwaslander@gmail.com



Directie Buitenlandse Betrekkingen Aruba

# Actualisacion di Consejo di biahe negativo pa Venezuela: Situacion ta keda tenso y impredecible

**Ministerio di Asunto Exterior di Reino conhuntamente cu Gobierno di Aruba y Departamento di Relacionnan Exterior ta informa pa no biaha pa Venezuela. E consejo aki ta un actualisacion debi cu e situacion na Venezuela y den lama di Caribe den cercania di e costanan Venezolano ta keda tenso.**

Stranheronan, incluyendo ciudadanonan Hulandes, por core un riesgo halto den caso di un incidente manera si keda aresta. Embahada Hulandes no lo por brinda (mucho) asistencia por ehempel den caso cu keda deteni door di autoridnan Venezolano.



Consejo di biahe ta keda for Ministerio di Asuntonan Exterior di Reino: Sea cual sea bo situacion no biaha pa Venezuela.

Si bo ta encontra bo mes na

\* Sali for di e pais si por haci esaki di un forma sigur.  
\* Controla cu bo ta registra na e Servicio di Informacion di Ministerio di Asuntonan Exterior pa bo keda informa di e desaroyonan actual via e siguiente link: <https://informatieservice.nederlandwereldwijd.nl/>.


Si bo ta biahando via tera:  
\* Tene cuenta cu control y hasta situacion di posibel detencionnan na frontera.  
\* E zonanan di frontera cu Brasil, Colombia y Guyana ta particularmente peligroso debi

na e presencia di gruponan arma.  
\* A establece puntonan di control den henter e pais. Semper bay cu bo paspoort y/of prueba di residencia legal.

Departamento di Relacionnan Exterior ta conseha tur persona cu tin pensa pa biaha pa Venezuela pa no haci esaki y pa sigui e consejo di biahe pa Venezuela via di e website di Ministerio di Asuntonan Exterior di Reino: <https://www.nederlandwereldwijd.nl/reisadvies/venezuela>

## Minister Geoffrey Wever (Futuro):

## Free Zone Aruba N.V. despues di añanan di perdida a cuminsa haci ganashi



**Diaranson mainta, Minister di Finanzas, Asunto Economico y Sector Primario, mr. Geoffrey Wever, den su calidad di representante di Land Aruba como unico accionista di Free Zone Aruba N.V. (FZA), a reuni cu e Junta di Comisario di Free Zone Aruba NV.**

Durante e reunion a presenta e cuentanan anual pa aña fiscal 2024 y a elogia e maneho di e Junta di Comisario, bao guia di President-Comisaris mr. Patrick Brown y di e directiva pa e manera cu nan a cumpli nan tarea y pa e for-

ma cu nan a guia e proceso di transicion. Despues di un proceso di reorganizacion di Free Zone Aruba NV, cu pa añanan a hiba perdida, e resultado pa 2024 a conoce un incremento di entrada di mas o menos 400 mil (27.5%) compara cu 2023. Un "net result" di 320 mil florin y un "operating result" di 85 mil florin. Por nota cu e cambionan cu a haci den e empresa a duna su frutonan, y tambe e hecho cu companianan nobo a bin establece den Free Zone Aruba NV a trece entradanan adicional, cual ta un desaroyo positivo. Proyeccionnan pa aña 2025 ta mas

positivo ainda cu 2024.

Den un comunicado di prensa, minister Wever ta felicita e Junta di Comisario y e empleadonan di Free Zone Aruba NV pa nan esfuerso pa recupera y fortalece estabilidad financiero di Free Zone Aruba NV y a enfatisa cu e situacion financiero ta demostra un mehoracion significativo, y ta refleha e resultado di un maneho mas estricto.

Hunto cu Free Zone Aruba NV ta den e proceso di formalizacion di un acuerdo laboral nobo cu un director di Free Zone Aruba NV. A haci un proceso di solitacion publico caminda cu tur hende por a participa y pronto lo anuncia ken lo bira e director nobo di Free Zone Aruba N.V. cu lo cuminsa maneha e empresa desde 2026 pa hiba e empresa den un era nobo.



**De Minister van Transport, Integriteit, Natuur en Ouderen Zaken**  
**Is voornemens in het openbaar aan te besteden, het project:**

**"Leveren, installeren en bedrijfsklaar opleveren van meubilair, elektrisch apparatuur, computers/ printers, specialistische equipment (o.a. operatie equipment) en diverse benodigdheden voor dierverblijven t.b.v. het ACD project te Kibiana".**  
Volgens bestek DOW nr. 18 d.j. 2025

Korte omschrijving van het werk:

**Percelen:**

**A-Kantoor meubilair en goederen**

**B-Elektrisch apparatuur**

**C-Computers en printers**

**D-Specialistische equipment o.a. operatie equipment**

**E-Diverse benodigdheden voor de dierverblijven (katten en honden)**

Uitvoeringstermijn: **60 werkbare werkdagen** na datum van aanvang exclusief bestelling tijd.

Het bestek is vanaf **14 november 2025** verkrijgbaar bij D.O.W. tegen betaling van **Afl. 250,00**.

De betaling te voldoen bij de kassier van de Dienst Openbare Werken (DOW). De Openbare bescheiden liggen ter inzage vanaf **14 november 2025** te DOW bij het Secretariaat van de Directie.

Inlichtingen worden verstrekt op **19 november 2025** om 10.00 vm te DOW.

De Nota van Inlichtingen wordt vastgesteld op **26 november 2025**.

De Openbare aanbesteding vindt plaats op **17 december 2025** om 11.00 vm op het kantoor van de Directeur van de Dienst van Openbare Werken.

De inschrijver moet bij zijn inschrijving de volgende vereisten overleggen:

1. Bewijs van inschrijving in het register van de Kamer van Koophandel van Aruba. (niet ouder dan 6 maanden).
2. Bereidheidverklaring tot het instellen van een bankgarantie of borg.
3. De staat van eenheidspreizen voor verrekening van meer- en minderwerken.
4. Een lijst van in te schakelen onderaannemers.
5. Overige vereisten opgenomen in het bestek.

**Inschrijving dient te geschieden op het bij het bestek gevoegde en gewaarmerkte inschrijvingsformulier.**



**AWA**

**MINI MEGA**

**MEGA PLUS**

Awo cu 2 florin mas, bo por gana e

**\* Afl. 675.000,-**

**\* Afl. 475.000,- + Afl. 200.000,- extra**

Benta ta sera 7:30 pm y sorteo ta hunga 7:45 pm

**MEGA PLUS**



**HUNGA AWO**

**lotto**

*Awo pashent no mester bay afo pa operacion di aneurisma*

## Donacion di clipnan neurovascular ta eleva calidad y siguridad di cuida na Aruba

En conexion cu emeritacion di neurociruhano prof. dr. Bart van der Zwan di UMC Utrecht (UMCU), y Horacio Oduber Hospital (HOH), tabatin e grato placer di ricibi un donacion sumamente valioso, riba iniciativa di su persona, di e compania Aleman 'Peter Lazic' y e compania Hulandes 'Circle Medical'. Un momento grandi, paso e profesor a baha cu pensioen y a tuma e momento aki pa haci un donacion valioso na nos Hospital.

E donacion ta consisti di un set di instrumento neurovascular, entre otro clipnan di aneurisma di diferente tipo, 'appliers', un 'tray' y tambe un sistema di tag. E instrumentonan y implantenan aki ta haci posibel pa realiza operacionnan



complica di aneurisma di un manera sigur y efectivo na Aruba mes. Awo pashentnan no mester bay den exterior mas pa un operacion asina, y miho ainda, paso pa hopi di nan e ta un operacion di urgencia cu ta salba nan bida.

E colaboracion entre dr. Van der Zwany Niels Weynschenck di Circle Medical ta uno cu ta

existi ya pa hopi aña caba y a inicia na UMCU. E team aki a yuda Aruba hopi biaha caba den pasado, sea cu nan conocimiento of cu material y cu e donacion importante aki ta fortalece e laso mas ainda. Durante luna di juli di e aña aki e colaboracion aki a demostra su balor durante un operacion di urgencia riba un turista Meri-

cano, cu asistencia di neurociruhano dr. van der Zwan y HOH su team local, a resulta un exito total. Segun van der Zwan: "Esaki no ta solamente confirma cu e colaboracion ta esencial pero tambe cu HOH tin acceso na un camber di operacion bon ekipa y tambe un team di camber di operacion profesional y capabel pa haci operacionnan neurovascular cu ta complica. Ta importante pa corda cu un clip no ta solamente cera, pero ta uni tambe mas ainda!"

Drs. Jacco Vroegop, presidente di Junta di Directiva di HOH orguyosamente ta mira back riba e desaroyo di e colaboracion cu UMCU: "Algun luna despues cu mi a cuminsa traha na HOH, nos a start cu'n colaboracion intensivo hunto cu prof. Pierre Robe di UMCU y

nos ciruhano local Greg Lacle pa amplia e pallet di neurocirugia, crea un miho distribucion di trabou pa nos teamy pa comparti conocimiento y experiencia. Loke a cuminsa cu un solo especialismo a crece bira un red mas amplio cu varios disciplina. Pa mi, e cuida neurovascular tin un aprecio special den mi curason. Mi prome experiencia cu operacionnan di e tipo aki tabata durante mi prome stage na aña 1997 di Dijkzigt Ziekenhuis (awo Erasmus MC) na Rotterdam. Mi ta hopi orguyoso cu a logra crea un legado hunto cu un team entusiasmo di HOH y tambe di UMCU. E clipnan pa neuro-aneurisma cu nos a ricibi lo bay salba bida y esey ta simbolisa exactamente loke nos ta para p'e: sigui traha riba un miho hospital y un miho cuida pa nos isla."

## Etiopia ta investiga posible brote viral di keintura hemorragico despues di 8 infeccion

(AP)—Autoridadnan di Salud Africano a confirma diamars un posible brote di un keintura hemorragico viral den sur di Etiopia cu ta bao investigacion despues di a descubri ocho caso sospechoso.

E ministerio di Salud na Etiopia ta anticipa di anuncia e resultadonan di e investigacion andante diabierna, segun CDC Africa, e cuerpo di respuesta pa emergencianan di salud den e continente.

Keinturanan hemorragico viral ta un grupo di malesanan cu potencial di epidemia y ta inclui e virusnan Marburg y Ebola, keintura hemorragico Crimea-Congo y keintura Lassa—tur di cual a ser registra den e continente den e ultimo añanan.

E organisacion Mundial di Salud (WHO) a bisa diahuebs cu e ta desplegando 11 agente



tecnico pa sostene Etiopia den e investigacion y respuesta na e brote.

"WHO tambe ta proveendo materialnan esencial, incluyendo equipaje protectivo pa trahadornan di salud y material pa preveni infeccion, como tambe un tent di isolacion rapido pa fortalece cuida

clinico y manejo di capacidad," segun e agencia di UN a bisa den un declaracion.

A reporta e brote den e region sur di Omo, cual ta comparti frontera cu Sur Sudan.

Director-General di CDC Africa, Jean Kaseya, a bisa diahuebs cu e brote tabata un

preocupacion pasobra "Sur Sudan no ta leu y tin un sistema di salud fragil."

Varios pais den Oost y Centro Africa recien a experiencia brotenan viral di varios keintura hemorragico.

### Stichting Viana Charity Fund

ta un fundacion cu tin como meta, haci donacion na organizacionnan cu ta existi legalmente y cu, a base caritativo, ta traha ariba tereno social. Nos fundacion ta reuni anualmente. Pa tradicion na final di aña, fundacion, asociacion of otro gruponan, cu ta existi legalmente cu ta cumpli cu e meta di nos fundacion, y cu ta desea di bin na consideracion pa un donacion, por entrega nan peticionnan hunto cu nan relato financiero y di actividad di 2024, pa mas tarda November 21, 2025. Peticionnan cu wordo entrega despues di e fecha stipula, no ta bini na remarca pa un donacion. Peticionnan hunto cu e otro documentonan mester wordo entrega na nos secretario, Herry Koolman, Ierlandstraat 27, Eagle.



## Barco di Marina Zr.Ms. Pelikaan un biaha mas ta brinda yudansa di emergencia na Jamaica

Despues di a entrega cu exito e prome carga di suministro di emergencia, Zr.Ms. Pelikaan un biaha mas ta na caminda pa bay Jamaica pa brinda yudansa di emergencia.

Directamente despues di entrega di e mercancia di yudansa y e material di emergencia na Jamaica diamars 4 di november, e mes un dia e barco a sali back direccion di Barbados pa un carga nobo di mercancia. Diasabra ultimo pa di dos biaha e barco a keda carga cu suministronan di yudansa y materialnan di emergencia. E barco di Marina Hulandes awe 12 di November lo yega den transcurso di dia Jamaica.

Zr.Ms. Pelikaan e biaha aki tambe a keda yena cu mercancia esencial di yudansa, tal manera vehiculonan, tent di emergencia y mercancianan di emergencia. E containernan tambe a keda yena cu un averahe di 150.000 bleki di cuminda y miles di articulonnan di necesidad basico tal




manera lampi cu ta funciona riba energia solar, jug y generator.

Durante e prome suministro di materialnan di yudansa na Jamaica Zr.Ms. Pelikaan a hiba entre otro un instalacion di desalinisacion pa traha awa di bebe, ademas di 1.440 racion di emergencia, 1.000 kit di refugio, 1.200 tent di

emergencia y 1.400 cama di campamento pa Jamaica.

Zr. Ms. Pelikaan ta ekipa cu un cran y un bodega di carga grandi. Esaki ta haci e barco di sosten logistico idealmente adecua pa e tarea di alivio. Duna asistencia ta un di e tres tareanan principal di Departamento di Defensa den Region Caribe.



### Corso:

## Lider di oposicion ta cuestiona prome minister tocante orden di silencio duna na Ontvanger

**(CuraçaoChronicle) - E tension politico entre gobierno y oposicion a profundisa despues cu Quincy Girigorie, lider di partido den oposicion pidi Prome Minister Gilmar Pisas clarifica dicon Ontvanger, Mr. A Trona, aparentemente a ser prohibi papia dilanti parlamento a pesar**

**di a ricibi autorisacion oficial di Consejo di Minister.**

Den un carta detaya manda na Presidente di Parlamento Fergino Brownbill dia 10 di november, Girigorie a invoca Artikel 96 di Reglement van Orde van de Staten van Curaçao pa entrega un serie di pregunta formal na e Prome Miister tocante loke e

ta yama “inconsistencianan serio” den e manera cu gobierno ta tratando e caso.

E controversia a cuminsa despues cu Prome Minister Pisas a bisa publicamente dia 15 di october cu e topico di “Ontvanger su exencion di papia” tabata riba e Consejo di Minister su agenda y cu, den interes di transparencia, e tin intencion di otorga Mr. Trona permiso pa dirigi su mes na parlamento tocante e acusacionnan haci den su contra.

Sinembargo, durante un sesion parlamentario dia 6 di november, minister di Finanzas Charles Cooper a informa legisladornan cu mientras e Consejo berdad a otorga Trona permiso oficial pa papia, el ta personalmente den desacuerdo cu e decision aki y pa e motibo ey no a invita Trona e reunion.

Girigorie a bisa cu e contradiccion aki ta trece preguntanan serio tocante unidad den gobierno y transparencia, notando cu e minister di Finanzas su negacion efectivamente a pasa riba un decision cu Consejo di Minister a tuma colectivamente.

Den su carta, Girigorie a trece dilanti 12 pregunta specifico pa Prome Minister Pisas, pidiendo



e pa confirma: E fecha exacto unda e Consejo a duna e Ontvanger autorisacion pa papia

E condicion bao di cual a duna e autorisacion

Si e exencion ta aplica na tipo di reunionnan specifico (por ehempel, solamente sesionnan di e comite of tur reunion parlamentario)

Si e Consejo su decision por ser haci disponible na Parlamento pa evaluacion prome cu 17 di november

Si e principio di “unidad gubernamental” te ainda ta aplica si ministernan individual por publicamente contradeci e consejo su decision colectivo

Girigorie tambe a pone presion riba e prome minister pa splica con e publico y Parlamento mester interpreta e Consejo su decisionnan si nan por ser ignora pa ministernan individual, y si

e Gabinete Pisas III te ainda ta mantene su compromiso na transparencia pa loke ta trata operacionnan den departamento di impuesto.

E lider di PAR a sigui puntra si e prome minister lo duna autorisacion na Parlamento mes pa invita Sr. Trona directamente na sesionnan den futuro - garantizando cu e ministernan o por blokia su presencia - y si Trona su exencion ta keda valido pa cualkier otro peticion di parlamento.

Girigorie a conclui cu e problema awo a bira uno di importancia constitucional, cuestionando si e gobierno actual te ainda ta sigui funciona como un gabinete uni. “Con parlamento y publico por confia den e decisionnan di Consejo di Minister si por ignora esaki di acuerdo cu cada ken su kier?” Girigorie a bisa den su carta.

Prome Minister te ainda no a contesta publicamente na e preguntanan. Ta anticipa cu e lo atende e topico aki den parlamento proximo siman, cu oposicion haciendo yamado pa claridad, consistencia y responsabilidad for di e administracion di Pisas.



De Cuba | Ormel | Noordhuizen  
Attorneys at Law

Elleboogstraat 11-13  
Oranjestad, ARUBA

T +(297) 583 8144  
F +(297) 583 8145

### OPHEFFING FAILLISSEMENT

Bij beschikking d.d. 10 november 2025 behorende bij zaaknummer E.J. AUA20190770 heeft het Gerecht in Eerste Aanleg van Aruba het faillissement van de naamloze vennootschap Oduber Contractor II N.V., uitgesproken d.d. 22 maart 2019, wegens gebrek aan baten opgeheven.

#### De curator

**mr. J.M. de Cuba**

De Cuba Ormel Noordhuizen Attorneys at Law

Elleboogstraat 11-13

Oranjestad, Aruba

T: +297 583-8144

F: +297 583-8145

E: [jeannot@dconlaw.com](mailto:jeannot@dconlaw.com)





## Hulanda clasifica como “den riesgo” pa presion di migracion bao di un rapport nobo di UE

(NLTimes) - Comision Europeo a clasifica Hulanda como un pais cu riesgo di presion migratorio halto. E evaluacion aki ta bin di e rapport anual di asilo y migracion di e Comision, cu ta cubri e fluhonnan di migracion pa UE di juli 2024 pa juni 2025.

E analisis di riesgo di e rapport ta tene cuenta cu e cantidad di migrante, aplicacionnan di asilo, GDP y tamaño di poblacion di cada estado miembro di UE. Hulanda ta ser clasifica como un pais cu tin un riesgo di presion di migracion, banda di Belgica, Alemania, Francia, Polonia y Irlanda. Den paisnan den e categoria



aki, tin cantidadnan halto di migrante, sistemanan di recepcion tenso, of hasta instancianan di migracion cu ta ser usa como un herment politico, manera a sucede na Polonia pa un tempo.

Siendo clasifica den e categoria

aki ta permiti Hulanda pa saca recursonan manera sosten financiero for di e “toolbox” di UE, cu ta parti di e pacto di migracion cu ta bay drenta na vigor na juni. Grecia, Spaña, Italia y Cyprus ta ser clasifica manera experimentando presion di migra-

cion pa motibo di e fluho grandi di migrantenan. E paisnan aki pronto lo ta eligibel pa e mecanismo di mudansa di UE, cu ta permiti otro estadonan miembro pa tuma algun di e migrantenan.

Comisario Europeo pa Migracion, Magnus Brunner, a presenta un proposicion pa e mecanismo di mudansa, pero no a divulga cuanto migrante cada estado miembro lo ta spera di ricibi na nomber di un otro pais di UE. El a laga e detayenan pa e estadonan miembro dicidi.

Hulanda, Belgica, Alemania, Suecia y Finlandia a declara anteriormente cu nan lo sostene

un mecanismo di mudansa solamente si e reglanan di Dublin ser aplica mas rigurosamente. Bao di e reglanan aki, e pais di UE caminda un solicitante di asilo ta entrega su peticion pa prome biaha ta responsabel pa atende esaki.

Segun e Comision, e crusamento ilegal pa drenta UE a baha cu 35%. No obstante, Bruselas ta sigui mira esaki como un asunto serio, banda di e recepcion di Ucraniannan y colaboracion cu paisnan bisina pa acomoda migrantenan. E Comision ta tuma nota tambe cu e Estadonan miembro ainda ta keda atras den implementacion di reglanan di asilo y migracion mas estricto.

## Identidad di sospechoso di asesinato ainda no ta confirma lunanan despues di aresto

(NLTimes) – Tres luna despues di e asesinato brutal di Lisa di 17 aña na Amsterdam, Ministerio Publico (OM) ainda no por a confirma identidad di e sospechoso. E homber, aresta poco despues di e asesinato di e dama hoben, a bisa polis ken e ta. Pero e no tin documento cu ta confirma su identidad, y OM no por a verifica esaki ainda, un vocero a bisa NU.nl.

OM a entrega peticionnan pa informacion tocante e homber na varios pais, y tam-

be un peticion pa asistencia huridico na Nigeria, di unda e homber ta pretende cu e ta. Ta tumando algun tempo pa contesta di e paisnan aki drenta, e vocero di OM a bisa.


“OM ta dependiente di e registracion di estado civil di otro paisnan,” e vocero a bisa e corant. “E proceso ey ta tuma tempo, y OM ta wardando riba un contesta ainda. No ta tur pais tin e mesun registro di estado civil cu Hulanda.”

E sospechoso lo presenta den corte pa un audiencia prelimi-

nar dia 25 di november. Segun OM, e hecho cu su identidad no a ser verifica lo no stroba su persecucion.

Lisa a ser haya asesina banda di Holterbergweg na Amsterdam durante oranan di marduga di 21 di augustus. Polis a detene e sospechoso na un refugio di asilo den cercania e siguiente dia.

E ta ser sospecha tambe di a viola y purba di agredi sexualmente dos otro hende muhe den e dos simannan prome cu e asesinato di Lisa.



## Mayoria di parlamentario nobo, cu antes tabatin posicion politico, a opta contra suplementacion di salario

(NLTimes) - Mayoria di e miembronan recien hura-menta di Tweede Kamer cu anteriormente tabata ocupa posicionnan politico, a dicidi di no laga suplementa nan salario cu pago di retiro, BNR a descubri despues di a encuesta e Parlamentarionan nobo.

Politiconan tin derecho riba pago di retiro despues di nan carera politico pa yena e buraco entre trabaoonan. Pero e areglo aki por ser usa tambe si un trabao nobo ta paga significamente menos cu e trabao anterior. Pues Parlamentarionan nobo cu nan posicion anterior den politica tabata paga mas cu Tweede Kamer, por aplica pa nan salario ser complementa.



E grupo aki ta inclui miembronan di Gabinete anterior, alcalde y ehecutivonan provincial.

“Como parlamentario, en berdad lo mi gana menos, pero toch e lo ta mas cu suficiente,” Parlamentario nobo y ex-alcalde di Amsterdam, Marjolein Moorman (GroenLinks-PvdA) a bisa BNR. P’esey e ta

renuncia e pago di retiro.

Cinco otro parlamentario nobo cu tin derecho riba suplementacion di salario tambe a dicidi di renuncia na esaki, nan a bisa BNR. Nan ta ex alcalde Robert van Asten (D66), ex-minister Marjolein Faber (PVV), ex ehecutivo provincial Henk Jumelet (CDA), ex-consejal Maes Lanschot (CDA), y ex-

Secretario di Estado Ingrid Coenradie (JA21).

Ex-Secretario di Estado Chris Jansen (PVV) a bisa BNR cu e no tabata na altura cu su salario parlamentario por a ser suplementa. “Mi no a haya ningun informacion di esey ainda. Mi ta warda y wak y despues tuma un decision,” el a bisa. Ex Secretario di Estado Vicky Macijer (PVV) no a contesta e preguntanan di BNR.

E schema di suplementacion di salario ta mas bien controversial. Hopi parlamentario ta kere cu e salario parlamentario ta suficientemente generoso caba, y suplement’e no mester ta un opcion. PVV y SP tabatin eliminacion di e schema den

nan programanan di eleccion.

“Den mi bista, e schema di pago di retiro ta destina como un brug temporal, pa ora bo no haya un trabao nobo mesora of si diripiente bo salario baha asina tanto cu bo ta topa cu problema cu bo gastonan fiho,” Moorman a bisa BNR.

No ta tur Parlamentario ta renuncia e beneficio aki. Na 2019, parlamentario di VVD Klaas Dijkhoff tabata bao candela despues cu Volkskrant a revela cu el a ricibi €37.000 na suplementacion di salario pa aña. E tabatin derecho riba e beneficio debi na su funcionnan anterior como Secretario di Estado y Minister den Gabinete Rutte II.



## Argentina: IMF ta insisti riba “necesidad di acelera esfuerzo di acumulacion di reserva”

(Infobae) – Vocero di Fondo Monetario Internacional (IMF), Julia Kozack a sigura cu “ta prematuro” pa afirma cu e swap di 20.000 milyon dollar acorda entre Argentina y Merca lo permiti cumpli cu e meta di reserva di Banco Central acorda den e programa vigente cu e organismo multilateral di credito.

“Loke mi por bisa ta cu lo ta prematuro di mi banda comenta si ta bay cumpli e objetivo den futuro. Pero loke tambe mi por agrega ta cu den nos discusionnan cu autoridadnan nos a enfatisa e necesidad di acelera e esfuerzonan di acumulacion di reserva pa yuda gestiona miho e volatilidad y fortalece mas aun e confianza di mercado,” Kozack a bisa contestando un pregunta di Infobae.



El a agrega cu “e mehoracion recien den e condicionnan di mercado ta presenta un bentaha di oportunidad pa autoridadnan fortalece e politicanan macroeconomico, consolida estabilidad y acelera e acumulacion di reserva.”

For di aplicacion di e programa di ahuste, gobierno di presidente Javier Milei a logra cumpli cu e metanan di emision monetario y deficit fiscal, y mester a pidi un “waiver” na directorio di IMF tocante e obligacion di consolida e

reservanan di Banco Central.

Den e contexto aki, e swap di Tesoro di Merca a permiti evita un crisis den e merca-donan. Milei y presidente Mericano, Donald Trump tin sintonia ideologico y cercania personal, y esaki a habilita e posibilidad di obtene sosten politico fuerte di Cas Blanco.

E sosten politico aki a nifica e firma di un swap di 20.000 milyon dollar firma entre Banco Central di Republica di Argentina y Tesoro di Merca.

E swap a sirbi pa ehecuta e ultimo pago di 800 milyon dollar na IMF den concepto di interes di debe, y den Palacio di Hacienda no ta descarta cu lo por usa obligacionnan proximo cu e organismo multilateral.

Sinembargo, segun e spli-

cacionnan di vocero Kozack den e conferencia di prensa, IMF ainda ta muestra cauteloso na momento di reconoce cu e 20.000 milyon dollar di e swap cu Merca por integra e reservanan internacional neto di Banco Central.

Tocante e acuerdo specifico entre Argentina y Merca, cu ta implica e swap di 20.000 milyon dollar y otro 20.000 milyon mas pa cumpra bono, Kozack a mantene cu ta trata di convenio bilateral cu ta pafu di IMF.

“E tamaño specifico y e modalidadnan di sosten ta asuntunan bilateral entre autoridadnan Mericano y Argentino, pero nos ta mira e esfuerzonan aki como un refuerso na e obhetivonan di reforma y stabilizacion di Argentina,” Kozack a sostene.

## Rusia ta consolida bastion militar na Nicaragua



(martinoticias) – E relacion entre Rusia y Nicaragua ta distingui pa e nivel excepcional di confianza y integracion operativo entre Moscu y Managua. Presidente Daniel Ortega, lider sandinista di era di Guera Friu cu a mantene laso cu Moscu durante su prome mandato (1979-1990) a declara cu su pais ta “aliado strategico di Rusia na Centro America” y “plataforma regional di Rusia den tur ambito.”

Na december 2024, canciyer Nicaraguense a afirma cu e relacionnan bilateral a “alcansa nivel di un alianza strategico” bao liderazgo di Putin

y Ortega.

E dimension mas significativo di cooperacion Ruso-Nicaraguense ta e instalacion di un infraestructura sofisticada di vigilancia y spionahe den sur di Managua, na cual Rusia tin acceso sin precedente.

Mita di 2017, oficialnan di inteligencia Ruso a instala ekipo avansa di interceptacion na varios base militar Nicaraguense, cu su centro di coordinacion ubica den compleho Cerro Mokoron (Unidad 502). E instalacion tabata supervisada pa cuatro oficial Ruso, uniconan autorisa pa opera e ekipo; personal Nicaraguense ta limita na tareanan di seguri-

dad y mantenemento. Direccion di Inteligencia Militar y Contrainteligencia (DICIM) Nicaraguense ta opera e basa Mokoron, pero solamente oficialnan Ruso tin acceso na e informacion colecta.

E base aki tin un sistema di radiogoniometria capaz di ubica señal telefonico, televisivo y radial di henter e espectro electromagnetico.

Tin ocho stacion adicional pa scucha distribui strategicamente na Nicaragua, manera na Cerro Casitas, Volcan Cosiguina, El Naranjo, Las Manos, Cerro Mogoton, y Peñas Blancas. A instala un “antena parabolico gigante” na Mo-

koron fin di 2017, y e compleho awe ta conta cu cinco antena satelital di diferente tamaño.

Fuente di inteligencia ta describe como un instalacion “similar” na e stacion terrestre di sistema GLONASS ubica den Laguna di Nejapa, Managua. E stacion inaugura na april di 2017 den e reserva natural ta controla pa Rusia.

Ademas, expertonan Ruso ta encarga di integra e software SORM-3 den sistema di rastreo di Nicaragua. Crea pa desaroyadornan Ruso, SORM-3 ta permiti monitoreo integral di internet y telecomunicacion, incluyendo transaccion di carchi, e-mail, yamada, mensahe, rednan social y wi-fi.

E sistema ta permiti intercepta y almacena tur actividad di e aparatonan selecta, creando “potret digital” detaya di e individuonan vigila. E obhetivonan principal ta embahadanan stranhero (specialmente Mericano), figura di oposicion interno y supuestu “traidornan” di regimen di Ortega.

### Marco di cooperacion militar (2024-2025)

December 2024, gobierno Ruso a aproba un draft di acuerdo intergubernamental di cooperacion militar cu Nicaragua, cu un duracion inicial di cinco aña y renobacion automatico pa periodonan igual. E documento, di 16 articulo, ta

establece “intercambio regular di informacion y experiencia den cooperacion tecnico-militar, realizacion di ehercicio conhunto, training di tropa, intercambio di inteligencia y creacion di un grupo di trabao conhunto cu reunion alterna na ambos pais.”

General di division, Marvin Corrales Rodriguez, inspector general di ehercito Nicaraguense, a confirma na mei 2025 cu ambos nacion tin plan pa firma e acuerdo prome cu fin di aña.

Criticonan ta adverti cu e acuerdo lo importa e doctrina di combate Ruso directamente na Centro America.

Desde 2017, ministerio di Interior Ruso ta opera na Managua un centro destina oficialmente na training policial y anti-droga, maske informe di inteligencia ta indica cu su proposito real ta capacitacion den vigilancia y represion interno.

Ademas, regimen di Ortega a converti den un laboratorio di prueba pa tacticanan Ruso di evasion di sancion y exportacion di tecnologia di vigilancia na otro gobiernonan autoritario. E presencia di alrededor di 250 efectivo militar Ruso den teritorio Nicaraguense ta consolida, ademas, un marca militar permanente na Centro America, algo sin precedente desde temponan di Guera Friu.



## Trinidad y Tobago: Prome Minister ta haya sosten pa leyman di zonido mas severo

**(TrinidadExpress) - Prome Minister Kamla Persad-Bissessar a ricibi sosten fuerte pa su anuncio cu leyman di polucion di zonido mehora lo ser presenta na Parlamento prome cu fin di aña.**

Presidente di Urban Development Corporation of Trinidad and Tobago (UDCOTT) Shankar Bidaisee a bisa Express cu e directiva a aproba un politica cu ta bisa cu no mester tin fiestanan na Brian Lara Cricket Academy na Tarouba.

El a bisa cu mantencion di e facilidad ta costa te cu \$15 milyon pa aña, mientras cu e entrada genera for di fiestanan hopi menos den comparacion. Den contesta riba preguntanan



di e Express, e Prome Minister a bisa cu el a duna e instruccionnan pa prohibi fiestanan na e stadion, señalando cu polucion di zonido tambe tabata

un factor impulsor. Den un post riba X ayera, e Prome Minister a provee mas detaye, bisando, “polucion di zonido ta un molester. Mi a

instrui pa tur fiesta na Stadion Brian Lara stop ya cu e zonido a bira insoportabel pa residentenan.

Un video tambe a ser publica, recordando e promesa di e Prome Minister durante e campaña di eleccion general pa atende cu polucion di zonido. El a señala cu tabatin un proliferacion di zonido cu ta sali for di cas, fiesta, bar y clubnan—zonido intolerabel pa residentenan den cercania.

El a bisa cu e Gobierno di Congreso Nacional Uni (UNC) lo cambia e leyman di polucion di zonido pa proteha salud mental di hende, y cu e sistema di dunamento di lisencia di bar y fiesta lo ser cambia.

E comentarionan di Prome Minister a ser sosteni pa un cantidad di hende riba plataforma di medionan social, incluyendo Ralph Maraj, Embahador na Caricom, kende a emiti un comunicado elogiando Persad-Bissessar.

Maraj a bisa cu pa añas, a traves di columnanan di corant y programanan di radio, el a bringa contra polucion di zonido na Trinidad y Tobago. El a bisa cu ta un alivio cu ayudo porfin ta yegando pa atende cu e asunto aki, manera Prome Minister a indica.

El a bisa cu e no ta papia bon tampoco di e nivel di civilizacion cu tin den T&T.

## Un flotilla ta habri e Cumbre di Pueblo pa activistanan durante dialogonan climatico di UN na Brasil

**(AP)—Mientras cu e dialogonan climatico di Nacionnan Uni a sigui diaran-son na e sitionan di evento nobo y elabora construi pa e cumbre, hopi activista cu ta desea di tin voz den e conferencia a tuma rumbo pa awa.**

Hiba pa un cantidad di botonan grandi y chikito, un grupo grandi a grita y hari, y a yora. Algun a dal nan palo di canoa den awa di e bahia unda un seccion nort di e selva Amazonica ta topa e Ocean Atlantico. Otronan a brasa otro manera amigonan bieu. Nan a primi nan frenta na otro y a wanta man of a para den silencio di oracion y reflexion.

Nan tabata ey pa celebra un comunidad mundial: activista, organisadornan, ambientalistanan y gruponan indigena, na un reunion pafo di e sala caminda lidernan mundial ta papiando tocante cambio climatico durante e dos proximo simannan. Nan alegria a yega despues di un momento cortico pero tenso e anochi prome, ora cu manifestantenan a kibra algun barera di seguridad na e sitio principal di conferencia, y a hinca dos security guard levemente, segun UN.

Hopi a enfatisa e importancia pa hiba e voz di e pueblo dilanti despues di añas cu e dialogonan tabata tuma luga den paisnan caminda sociedad civil no tin libertad pa protesta. “E Amazona pa nos ta un espa-



cio di bida,” Jhajayra Machoa, un miembro di e nacion indigena A’i Kofan di Ecuador y parti di e delegacion Wisdom Keepers, a bisa mientras e tabata yuda pa rema un di e canoanan. “Nos ta cargando e emocion y e sentimento di tur loke a pasa na e lugar aki, y loke nos kier recorda. Recorda di unda nos ta bin, unda nos ta bayendo y loke nos kier.”

Activistanan ta pidi lidernan mundial pa pensa riba esnan cu ta sufriendo mas Esnan cu ta yegando na e Conferencia di Partidonan, COP30, tin diferente speranza pa loke ta e resultado final. E aña aki ta distinto, pasobra no ta spera cu lidernan lo firma un gran acuerdo unico na final; en bes di esey, segun organisadornan y analistanan, e intencion ta pa concreta promesanan anterior pa tuma accion real contra cambio climatico.

Pero hopi di e activistanan tin un meta comun. Nan kier pa nacionnan pone den centro e

necesidadnan di comunidannan marginalisa cu ta carga e impacto mas fuerte di e crisis climatico cu menos recurso pa adapta. Esaki ta nifica inclui e comunidannan ey den liderazgo y proceso di decision. Y nan kier mira boluntad politico pa stop emisionnan di gas cu ta kimando e planeta, extraccion di recurso y otro practica cu ta causando daño.

“Ora nos ta conecta loke ta pasa den mente—ora nos ta papia di

politica—nos mester conecta tambe cu e curason y laga e spirito tuma parti di e trabao,” Whaia, un otro miembro di e delegacion Wisdom Keepers y un muhe Ngiti Kahungunu di New Zealand, a bisa. “Mester tin e dos brasa, e dos rama di e mata, pa por ta fuerte y haya nos resistencia den e espacio aki.”

Activistanan ta ricibi cu alegria mas libertad pa expresa nan opinion E libertad pa papia libremente ta un alivio pa hopi cu a yega na Brasil despues cu dialogonan anterior tabata tuma luga den paisnan cu tin limitacion riba libertad di expresion y protesta.

Diamars anochi, e choca cu security guards ora un grupo di activista a purba forsa nan entrada na e sitio di evento COP prome cu nan a ser para.

E evolucion cu mester pasa pa mundo tuma accion “no ta den e salanan di COP, sino

riba caya, hunto cu nos pueblo,” Jacob Johns, un miembro Akimel O’Otham y Hopi di Wisdom Keepers Delegation, a bisa despues di mira e incidente.

Awor ta e momento pa uni forsa, respeta otro y reevalua e sistemanan cu ta manda riba e planeta, segun Poooven Moodley di Earthrise Collective, un grupo cu ta reuni activistanan cu tradicionnan diferente.

P’e, e canoanan mira na e evento diaran-son ta un metafora pa e situacion actual di mundo pa loke ta cambio climatico. “E canoa den cual nos ta caba ta hundiendo, hende ta ser tira for di dje, y finalmente nos ta marchando den direccion di pa un caida total. E pregunta ta: kico nos haci, pasobra esaki ta nos realidad,” Moodley a bisa. “Nos mester sigui defende e teritorionan y e ecosistemanan cu nos por, pero mientras nos haci esey, nos mester lansa un canoa nobo.”





## Ex prins Andrew a manda e-mail durante scandal di Epstein bisando 'mi no por wanta mas'

(AP) - Mientras e homber cu anteriormente tabata conoci como e Prins Andrew a keda lansa den media cu noticianan tocante e ofensor sexual Jeffrey Epstein, el a busca distancia su mes di e scandal.

"Mi no por wanta mas di e situacion aki," un email di un persona identifica como "The Duke" (E Duke) den Epstein su contactonan a expresa den 2011, den un di miles di email parcialmente redacta cu a publica diaranson.

14 aña despues, e ex Duke di York a perde tur su titulonnan, incluyendo e status di prins cu el a ricibi cu su nacemento. Andrew Mountbatten-Windsor - e manera cu e ta conoci awo - su ruman homber, Rey Charles III, a kita su titulonnan for di su persona y lo ser saca for di su cas tambe, cual ta e mansion unda e tabata biba sin tin cu paga huur cerca di Windsor Castle.

Sinembargo e mal noticianan ta keda bin pa e homber cu



antes tabata den linea pa subitrone.

E cantidad di documento reciente a renoba e acusacionnan contra Mountbatten-Windsor y a debilita su negacionnan cu el a yega di conoce e supuesto

victima, Virginia Roberts Giuffre. Tambe nan ta revela algun di e esfuersonan haci tras di escena pa ataca Giuffre su acusacionnan.

Mountbatten-Windsor, e di dos yiu di Reina Elizabeth

II, a nenga profundamente e acusacionnan di Giuffre, ken a kita su propio bida anteriormente e aña aki. Sinembargo el a yega un acuerdo si den demanda, fuera di corte, cu aparentemente a resulta den un pago di miyones di dollar.

Ora cu Mountbatten-Windsor su lasonan cu Epstein - ken a keda condena di solicita prostitucion na Florida - a keda reporta prome den 2011, el a keda obliga un biaha mas renuncia como Britania su enviado special pa comercio.

E scandal, sinembargo, a bolbe bini dilanti den 2019 ora cu Epstein a keda deteni pa un di dos biaha bao cargo di trafico sexual. Giuffre a bisa cu e tabatin 17 aña ora cu el a ser trafica pa tin relacion sexual cu Mountbatten-Windsor.

Den un intento desastroso pa limpia su nomber, Mountbatten-Windsor a haci un entrevista cu BBC den cual el a nenga cu el a yega di conoce Giuffre y cu el a kibra tur contact cu Epstein den december 2010. El a keda ampliamente critica pa falta di empatia na Epstein su victimanan y pa of-

rece splicacionnan cu no por kere pa su amistad cu Epstein.

Su caida a cuminsa luna pasa ora cu email a demostra cu su amistad cu Epstein a dura hopi mas tempo di loke el a bisa. E revelacionnan aki tabata sigui pa e publicacion di giuffre su memoir luna pasa cu a detaya e 3 biaha cu nan a tin relacion sexual. E email nobo ta contradeci e afirmacion di Mountbatten-Windsor cu e potret di su persona cu su brasa rond di Giuffre tabata manipula, pa motibo cu e no ta corda cu el a yega di saca e potret ey.

"Si e taabta riba mi avion y si el a saca un potret cu Andrew di mesun manera cu varios di mi empleadonan a haci," Epstein a skirbi den un email di 2011 den cual el a yama Giuffre un gañado. Epstein a keda insulta Giuffre, bisando cu e no ta "nada mas cu un persona cu ta contesta telefon." El a papia di contrata un reportero pa investiga su persona, sugiriendo cu "Buckingham Palace lo gusta esey."

Ora cu Mail riba diadomingo a pidi comentario prome cu publica un articulo den mei 2011 tocante Giuffre su acusacionnan, Epstein a manda e email na un contacto yama "The Duke" cu ta parcialmente redacta pero ta parece di ta Mountbatten-Windsor.

"Please sigura cu tur declaracion of carta legal ta bisa claramente cu mi NO ta involucra y cu mi no tabata sa y no sa NADA tocante ningun di e acusacionnan aki," e contesta di e contacto "The Duke" a bisa. "Mi no por wanta mas di mi banda."

Ora cu el a puntra Epstein tocante con e tin plania di contesta e revista su peticion, Epstein a bisa cu e no ta sigur. "E unico persona cu ken e no a tin relacion sexual ta Elvis," el a skirbi.

  
**BREITLING**  
1884

### We're Hiring: Sales Advisor

Are you outgoing, love watches and passionate about luxury?

Breitling Boutique Aruba is looking for a **Sales Advisor** to join our growing team.

As the face of our brand, you'll deliver exceptional service, connect with clients on a personal level, and help them discover timepieces that represent their personality and are as unique as they are.

**Experience in luxury or retail is a plus, but not a must.**

We'll guide you through **Breitling's official certification program**, designed to equip you with the product knowledge, storytelling, and client experience skills that define our brand.

We would love to meet you! Email us your CV to [marketing@gemani.com](mailto:marketing@gemani.com)



FIND US ON  
  
**@bon.dia.aruba**  
ALSO AVAILABLE ON  
f i d g



# Lo honra Sarah Jessica Parker cu premio Carol Burnett durante Golden Globes



(AP)—Sarah Jessica Parker a bay di un persona cu ta entrega premio pa awor ta hayando un. E ganador di Emmy y Screen Actors Guild Award—y hurado pa e Booker Prize di 2025—a ser nombra diahuebs como e recipiente di e premio Carol Burnett pa su “contribucion sobresaliente na television dilanti of patras di camara.”

“E carera di Sarah Jessica Parker ta representa e spirito exacto di e premio Carol Burnett,” segun Helen Hoehne, presidente di Golden Globes, a bisa den un declaracion. “Su impacto pionero riba television y su

dedicacion na contamento di storia riba escenario y pantaya a laga un marca imborable riba cultura popular. Nos ta honra pa celebra su contribucionnan extraordinario na e industria di entretenimento.”

Lo presenta e premio durante un ceremonia special anual nobo, yama e “Golden Eve,” honrando recipientenan di ambos e premio Carol Burnett y e premio Cecil B. DeMille, cual lo bay pa Helen Mirren

e aña aki. E ceremonia aki lo estrena dia 8 di januari riba CBS y lo stream riba Paramount+.

E ceremonia principal di Golden Globes lo tuma luga dia 11 di januari y lo ser presenta pa segunda bes pa Nikki Glaser. Parker ta kisas miho conoci pa rol como Carrie Bradshaw den e serie di HBO “Sex and the City” y su sequel “And Just Like That.” Su pelicularnan ta inclui “Hocus Pocus” y “Hocus Pocus 2,” “Failure to Launch,”

“The First Wives Club,” “Ed Wood” y “Mars Attacks!”, entre otro.

E premio Carol Burnett a ser inaugura na 2019 y ta presenta esaki na un honrado cu a “haci contribucionnan extraordinario na television dilanti of patras di camara.” Recipientenan den pasado ta inclui Ted Danson, Normal Lear, Ryan Murphy y Ellen DeGeneres. E prome tabata Burnett mes.

## MI STORIA

den Sector Hotelero

a cuminsa como  
Front Desk Agent  
y mi a crece bira  
Public Relations Manager  
na Riu Palace Antillas.

*Alejandro Osorio*

**AHATA**  
ARUBA HOTEL & TOURISM ASSOCIATION

**CMB**  
CARIBBEAN MERCANTILE BANK

### Porcentahenan di Interes di Spaar

|                                        |                   |
|----------------------------------------|-------------------|
| Cuenta di Spaar Personal na florin     | (AWG.) 0.25% p.a. |
| Cuenta di Spaar Personal na dollar     | (USD.) 0.05% p.a. |
| Spaar Miho (Special Kids Savings Plan) | (AWG.) 3.00% p.a. |

**Fecha efectivo ta 1 di januari, 2026.**

*E relacion entre Caribbean Mercantile Bank y su clientenan ta wordo goberna pa e Condicionnan General di Banco.*



## Federacion di futbol Turco ta impone prohibicion temporal riba 102 hungador pa wega di placa

(AP)—E federacion di futbol Turco a impone temporalmente un prohibicion riba 102 hungador incluyendo 25 for di e liga mas halto diahuebs pa via di un scandal di wega di placa cu a implica centenares refereee.

E federacion a impone prohibicion riba 25 hungador for di e Super Lig y 77 mas pa terminonan variando entre 45 dia pa 1 año. E prohibicion ta sigui algun dia despues cu mas di 1.000 hungador a ser suspendi den e scandal.

Galatasaray y defensa Eren Elmali a ser suspendi pa 45 dia, tres dia despues cu a sak'e for di e equipo nacional pa e partidonan di cualificacion di Copa Mundial. Compañero



di equipo Metehan Baltaci a ser suspendi pa nuebe luna. Volante pa Konyaspor, Al-assane Ndao, ken ta un ex-hungador internacional pa Senegal, a haya 12 luna suspendi.

Elmali a publica riba Instagram e siman aki cu el a bet riba un partido casi cinco año

pasa cu no tabata involvi su mesun equipo. El a uni na Galatasaray e año aki y a hunga den tur cuatro di su partidonan di Champions League e temporada aki. E prohibicion inicial di Elmali ta sak'e for di e partidonan di Champions League contra Union Sain-Gilloise y Monaco, ademá di un partido den Super Lig contra rival Fenerbahce. Baltaci tambe a admiti betnan cu el a haci den pasado pero ta insisti cu no tabata riba weganan cu el a hunga.

“Algun año pasa mi a haci un bet mientras mi no a comprende completamente e gravedad di e asunto,” el a bisa. “Mi kier aclara cu e accion aki no tabatin nada di haber cu partidonan hunga pa equiponan cu mi a repre-

senta.” E prohibicionnan aki ta aplica pa partidonan pero e hungadornan por sigui entrena, segun medio local a reporta. Un total di 1.024 hungador a ser referi na e Directiva Disciplinario di Futbol Profesional den e investigacion andante, incluyendo ex-mediocampista di Turkia, Necip Usyal, ken a un veterano di 16 año na club Besiktas na Istanbul.

Futbol Turco a keda sacudi pa investigacionnan den supuesto wega di placa hunga pa referee — y awor hungadornan — riba partidonan, cual ta prohibi pa FIFA, di ken suCodigo di Etica ta stipula cu bet directamente of indirectamente riba partidonan por resulta den un prohibicion di te cu tres año

y un multa di te cu 126.000 dollar. Mas cu 150 referee Turco ta acusa di a pone bet riba partidonan, incluyendo siete ken ta aproba pa mancha partidonan di nivel halto y 15 asistente. No ta cla si e oficialnan ta riba e lista di FIFA pa mancha partidonan internacional pa clubnan nacional.

E scandal ta un atraso pa e revitalisacion di futbol Turco den e ultimo añanan cu a pasa. E pais lo co-organisa e Campeonato Europeo cu Italia na 2032. Ademá, e equipo nacional a yega e cuarto finalnan di Euro 2024, y Istanbul a ser selecta pa UEFA pa tene varios partido final den competencianan di club Europeo. E stadion di Besiktas lo tene e partido final di Liga Europa na mei.

## A subraya e importancia di comprende con pa alimenta bo mes corectamente pa rendimiento Tayer di nutricion deportivo durante foro di atleta

Durante e foro di atleta cu a wordo organisa door di e “Aruba Athletes’ Commission” (AAC) algun siman pasa a tuma luga un tayer di nutricion deportivo specifico pa atletanan local. Aki hoben profesional Edric Magalona di “ELEVA Physiotherapy & Performance Aruba” cu ta fisioterapista ademá di un profesional den tema di nutricion, a prepara un sesion hopi interesante cu a duna diferente “tips” cu tur atleta por usa.

Ademá di ta labora den e mundo deportivo, Edric ta un atleta di rendimiento cu ta competi den e deporte relativamente nobo di “street-



lifting”, cual tambe ta conta cu diferente categoria di peso como cualkier deporte di combate of hisamento di peso. Banda di esaki, Edric ta haci diferente evento di coremento di larga distancia, cual ta duna diferente oportunidad propio pa por pone den practica locual e ta comparti

den e area di nutricion.

Durante e tayer, a comparti hopi conocimiento di no solamente e parti fundamental di nutricion, si no tambe diferente ehempel relevante cu e hobennan por comprende mas facil. Durante e discurso di Edric a splica e importan-



cia di come corectamente a base di e tipo di entrenamento cu bo ta haci, ademá di e importancia di “hydration”.

Hopi enfasis ta con importante e ta pa “fuel” bo mes corectamente pa por duna e miho esfuerso durante entrenamiento y competencia.

Pa finalisa, e papia di e importancia di recuperacion a traves di nutricion y drumi bon.

Comite Olimpico Arubano (COA) ta gradici Edric pa e charla interactivo cu sigur a logra hala atencion di e hobennan presente.

## Yankees lo despedi di director di scouting internacional Donny Rowland

(AP)—New York Yankees a despedi di Donny Rowland, nan director di scouting internacional pa e ultimo 15 temporada.

Rowland, ken lo cumpli 63 año otro luna, tabata cu Yankees pa 23 temporada den total. Varios prospectonan internacional di Yankees cu a ricibi bonusnan grandi a fracasa di avansa y ta retrasa comiensonan den liga grandi.

“Su contrato a vence,” segun gerente Brian Cashman a bisa diaranson durante un conferencia di prensa via Zoom. “Mi a tuma e decision dificil

pa busca pa un otro voz den e puesto ey.” Cashman no a asisti e reunion di gerentenan na Las Vegas y a papia cu reporteronan digitalmente.

Despues di perde contra Toronto den un partido di AL Division Series, e prioridad mas halto di Yankees ta pa recontrata Cody Bellinger, ken a bira un agente liber.

“Ta hopi trempan den e proceso pero mi a bis’e caba y mi lo bis’e atrobe: Claro nos kier e back,” Cashman a bisa. Obteni for di Chicago Club e ultimo offseason, Bellinger, 30, a dal .272 cu 29 homerun y

98 RBI. “Entre tur outfielder liber, e tabata esun miho den su clase,” segun su gerente, Scott Boras a bisa durante e reunion. “E tabata sigur un hungador versatil, hungando ambos riba prome base cu tur tres posicion outfield.”

New York Yankees a haci ofertanan cualificante di 22 miyon dollar na Bellinger, ken sigur lo rechas’e, y na outfielder Trent Grisham. “Nos lo ta contento si e acepta y bin back,” Cashman a bisa di Grisham. Yankees no a dicidi si e lo ofrece un contrato di termino largo na segundo baseman



Jazz Chisholm Jr., ken por bira un agente liber despues di e temporada di 2026. Yankees ta kita agencia liber na 2019 por medio di duna un contrato di siete año y balor di

70 miyon dollar na outfielder Aaron Hicks y un contrato di cuatro año y 40 miyon dollar pa pitcher Luis Severino, ken ambos no a duna e prestacion anticipa.




## Wega di placa online ta tur caminda y e riesgonan tambe

(AP) - Wega di placa online ta mas accesible cu nunca, cu 14% di adultonan na Merca bisando cu nan ta haci apuesta riba deporte profesional y na nivel di college sea frecuentemente of ocasionalmente, segun un encuesta en februari cu The Associated Press-NORC Center for Public Affairs Research a haci. Tambe esaki ta de noticia, cu un lista creciente di scandal tocante apuesta den deporte.

Defensornan di salud publico y conseheronan di finanzas personal ta bisa cu ta importante pa sa e riesgonan si bo ta bay hunga wega di placa online. "Wega di placa y 'responsablemente' ta parce palabra contradictorio, paso si bo ta hungando, tur cos ta trata di riesgo," segun Caleb Silver, hefe di redaccion di Investopedia a comenta. "Pero hende toch ta hacie. E weganan di placa online y apuesta di deporte ta solamente birando mas y mas popular."

Desde cu Corte Supremo a tuma accion contra un prohibicion di apuesta den deporte den 2018, 38 estado y Washington D.C., a legalisa wega di placa, segun American Gaming Association.

Pa esnan cu ta nobo na e mundo di wega di placa online, e por ta util pa pone limite di adelanta riba con hopi placa bo ta dispuesto pa perde y con hopi tempo bo ta dispuesto pa inverti. Varios di e plataforman y aplicacionnan cu ta



ofrece servicio di wega di placa ta inclui proteccionnan opcional pa limita tempo of perdida. Otro aplicacionnan por blokia e acceso na e plataforman pa un cantidad di tempo predetermina.

### Wega di placa online por tin hopi mas riesgo cu wega di placa den persona

E posible perdida di apuesta digital por sucede hopi mas lihe cu den un casino fisico, segun Heather Eshleman, director di operacion na Maryland Center for Excellence on Problem Gambling, mirando cu hende por haci apuesta asina hopi y asina lihe riba internet y

aplicacion, cu menos friccion.

E presencia nobo di mercadonan di prediccion tambe a crea oportunidadnan nobo pa haci apeusta online riba tur cos for di resultado di eleccion te noticia di celebridad pa cu tempo.

### Con pa sa si bo tin un problema di weganan di placa online

Segun defensornan di salud

publico, e señal di advertencia mas grandi di un problema ta si bo ta dedicando bo tempo na apuesta online cu ta kitando bo atencion for di otro cosnan den bo bida - specialmente bo relacion cu amistadnan, famia y trabao. Si bo ta gastando placa riba wega di placa cu por bay na necesidadnan basico cu bo no a cubri ainda, esey tambe ta un señal di advertencia.

"Nos ta encurasha hende pa

solamente usa placa cu nan lo usa pa diverti nan mes y entretenimento, no e placa cu mester usa pa paga hipoteca of huur of cuminda," Eshleman a bisa.

Silver a bisa esaki tambe.

"Bo mester sa prome cu bo hacie cuanto bo por perde," el a bisa. "Cua ta e punto den cual bo tin cu stop?" e reglanan aki mester keda estableci firmemente."

Mayoria plataforma pa haci apuesta online ta ofrece "hermentnan pa wega di placa responsable," segun Eshleman.

"Bo por pone limite di tempo, placa, deposito, perdida y victoria," el a bisa. "E meta ta pa pone e limitenan aki prome cu bo cuminsa, paso si bo no pone nan di antemano, nan no ta bay funciona p'abo. Na momento cu bo dreña e punto mas emocionante, bo no ta bay stop y usa e hermentnan aki."

Eshleman ta recomenda e uso di plataforman cu ta limita e acceso na websitenan di wega di placa di manera externo.

Tambe e ta dirigi esnan cu ta sospecha cu nan por tin un problema pa usa e hotline pa esaki of contacta Gamblers Anonymous.



Ministro di Husticia y Asunto Social ta anuncia cu entrante **17 november 2025** segun Ley di Molester, durante 30 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53** di un peticion di permiso cu a ser haci pa un instalacion di gas di **1x 100 galon** na **Gutenbergstraat 2**. Den e periodo aki tur hende por expresa por escrito nan desacuerdo cu dunamento di e permiso menciona. Esaki mester ta dirigi na Ministro di Husticia y Asunto Social mediante director di Departamento di Legislacion y Asunto Huridico, Schotlandstraat 53.



FIND US ON  
**BONDIA**  
ARUBA  
[www.bondia.com](http://www.bondia.com)  
ALSO AVAILABLE ON  
f i d X



### OPENBARE AANBESTEDING

De Directie Onderwijs namens de minister van Onderwijs en Sport is voornemens in het openbaar aan te besteden

#### Het project:

"Bustransport t.b.v. Schoolzwemmen schooljaar 2025-2026 periode januari tot en met juni 2026"

#### Korte omschrijving van het werk:

Het transport van leerlingen van school naar de zwemoorden en vice versa.

Het Bestek is vanaf 17 november 2025 kosteloos verkrijgbaar bij Directie Onderwijs te JFK Education Center, Stadionweg 37.

De openbare aanbesteding vindt plaats op 15 december 2025 om 10:00 uur bij Directie Onderwijs te JFK Education Center, Stadionweg 37.

Op deze aanbesteding is het UAR 1986 van toepassing. De gestanddoeningstermijn is 90 dagen.

#### De inschrijver moet bij zijn inschrijving de volgende documenten overleggen:

1. Bewijs van inschrijving in de Kamer van Koophandel van Aruba (bewijs niet ouder dan 6 maanden)
2. Andere vereisten zoals vastgelegd in het Bestek

**Inschrijving dient te geschieden op het bij het Bestek gevoegde en gewaarmerkte inschrijvingsformulier**



# Medicina di largo plaso pa enfermedadnan auto-inmunologico no ta trahando bon

(AP) - Cientificonan ta purba un manera revolucionario pa trata artritis reumatoide, sclerosis, lupus y otro enfermedadnan autoimmune devastador — door di reprograma sistema inmunologico disfuncional di pashent.

Ora celulanen di bo inmunidad ta ataca bo mes den luga di proteha bo, e tratamentonan di awe ta baha e atake familiar pero nan no ta regla kico ta causa esaki. Pashentnan ta enfrenta un bida yen di pildonan caro, inyeccionnan of infusionnan cu tin algun efecto secundario serio — y hopi bi-aha medicina no ta suficiente pa mantene e enfermedad bao control.

“Nos ta drenta un era nobo,” segun Dr. Maximilian Konig, un reumatólogo na Johns Hopkins University cu ta studia algun di e tratamentonan nobo posibel. Nan ta ofrece “e oportunidad pa controla enfermedad na un manera cu nos nunca no a mira antes.”

Investigadornan ta altera sistema inmunologico disfuncional, no solamente suprimir nan, den un variedad di manera cu tin como meta pa ta mas potente y mas precies cu terapia actual. Nan ta altamente experimental y, door di posibel efecto secundario, te awor limita principalmente na pashentnan cu a usa tur tratamentonan di awendia sin exito. Pero hende cu ta drenta estudio den etapa inicial ta busca speranza.

## ‘Medicina bibo’ ta reset sistema inmunologico rebelde

CAR-T tabata ser desaroya pa elimina cancer di sanger dificil pa trata. Pero e celulanen cu ta bira malo den leukemia y linfoma — celulanen di inmunidad yama B-cells — ta bira malo den un manera distinto den hopi enfermedad autoimmune.

Algun estudio na Merca a sugeri cu terapia CAR-T por yuda e enfermedadnan ey. despues na Alemania, Dr. Georg Schett na e University of Erlangen-Nuremberg a purba esaki riba un muhe hopi malo cu tabata faya den tur otro tratamiento pa lupus. Despues di un infusion, e ta den remision — sin ningun otro medicina — desde maart 2021.

Luna pasa, Schett a bisa den un reunion di American College of Rheumatology con su



team gradualmente a trata un par di decenas mas pashent, cu enfermedad adicional manera myositis y scleroderma — y cu poco recaida te awor.

E resultadonan inicial tabata “impactante,” Konig di Hopkins a recorda.

Nan a trece un explosion di prueba clinico cu ta test terapia CAR-T den Merca y den exterior pa un lista creciente di enfermedad autoimmune.

## Con e ta traha

Celulanen di T-cel ta ser filtra for di sanger di un pashent y manda na un laboratorio, unda nan ta programa pa destrui nan mesun famia di B-cells. Despues di un dosis di kimo-terapia pa limpia celulanen inmunologico adicional, misiones di copia di e “medicina bibo” ta ser introduci back den e pashent.

Mientras medicinan autoim-

mune por ataca cierto B-cells, experto ta bisa cu nan no por keda bini na e profundidad unda algun ta sconde. CAR-T ta ataca e B-cells problematico y tambe esunnan sano cu eventualmente por bira malo. Schett ta teorisa cu e limpieza profundo ta reset e sistema inmunologico pa ora B-cel nobo forma mas adelante, nan ta saludabel.

**Otro manera pa reprograma celulanen rebelde**  
CAR-T ta bruto, ta tuma hopi tempo y ta hopi caro, parcialmente door cu e ta personalisa. Un tratamiento CAR-T pa cancer por costa \$500.000. Awor algun compania ta test versionnan prefab, prepara den avance usando celulanen di donante saludabel.

Un otro aproximacion ta usa celunan “pacificador” cu tabata den centro di Premio Nobel di e aña aki. Regulatory T cells ta un sub-set poco comun di

T-cells cu ta baha inflamacion y ta proteha contra celulanen cu ta ataca tehidonan saludabel accidentalmente. Algun compania biotecnologico ta programa celulanen di pashentnan cu artritis reumatoide y otro enfermedad pa no ataca, manera CAR-T ta, pero pa calma reaccion autoimmune. Cientificonan tambe ta adapta un otro tratamiento di cancer, medicinan yama T cell engagers, cu no ta rekeri ingenieria personalisa. Esaki ta anticurpa sintetico cu ta traha manera un “matchmaker”: nan ta dirigi e T-cells existente di e curpa pa bay contra e B-cel cu ta produci anticurpa, segun Dr. Ricardo Grieshaber-Baoyer di Erlangen, kende ta traha cu Schett y ta studia alternativa pa CAR-T.

Luna pasa, Grieshaber-Baoyer a reporta cu e a duna un curso di un medicina semehante, teclistamab, na 10 pashent cu un variedad di enfermedad,

incluyendo Sjögren, myositis y systemic sclerosis. Tur menos un a mehora significativamente y seis a bay den remision sin medicina.

## Ta posibel pa pronostica enfermedad autoimmune — y atrasa of preveni nan?

Un medicina pa diabetes Tipo 1 “ta habri e caminda,” segun Dr. Kevin Deane na University of Colorado Anschutz.

Diabetes Tipo 1 ta desaroya gradualmente, y pruebanan di sanger por detecta hende cu ta desaroya e. Un curso di e medicina teplizumab ta aproba pa atrasa e prome sintomanan, modula T-cells rebelde y prolonga produccion di insulina.

Deane ta studia artritis reumatoide y ta spera haya un manera similar pa para e enfermedad cu ta destrui wowo.

Rond 30% di hende cu cierto anticurpa autoreactivo den nan sanger lo eventualmente desaroya RA. Un estudio nobo a sigui algun di esnan pa 7 aña, sigui cambio inmunologico cu ta yega tempo prome cu joints bira hincha of haci dolor.

E cambio nan ey ta e enfoke potencial pa medicina, segun Deane. Mientras investigadornan ta busca compuesto posibel pa test, el ta guia un otro estudio yama StopRA: National pa haya y siña mas for di hende na riesgo.

Riba tur esaki, tin un cantidad tremendo di investigacion cu falta — y ningun garantia. Tin duda tocante seguridad di CAR-T y con hopi su efecto ta dura, pero e ta mas avansa den testamento.

Allie Rubin, 60, di Boca Raton, Florida, a pasa tres decada luchando cu lupus, incluyendo hospitalisacionnan serio ora e a ataca su muraya di lomba. Pero el a cualifica pa CAR-T ora el tambe a desaroya linfoma — y aunke un efecto secundario serio a atrasa su recuperacion, otro luna lo completa dos aña sin signo ni di cancer ni di lupus.

“Mi ta corda cu mi a lanta un dia y a pensa, ‘Dios mio, mi no ta sinti mi mes mas malo,’” el a bisa.

Esey ta duna cientificonan speranza. “Nos no a keda mas cerca cu un — nos no gusta bisa esaki — cura potencial,” segun Konig di Hopkins. “Mi ta kere cu e siguiente 10 aña lo cambia nos campo pa semper.”



## Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.  
Bishita solamente e pagina oficial di Facebook, Aruba Today News, of e website  
[www.arubatoday.com](http://www.arubatoday.com).

Si bo haya algun problema, nos t'ey pa yuda: [bondia.aruba@gmail.com](mailto:bondia.aruba@gmail.com)



## EU ta renoba peticion pa Ucrania combati corrupcion despues di un scandal grandi den sector di energia

(AP) — Oficialnan di Union Europeo a adverti Ucrania diahuebs cu e mes-ter sigui combati corrupcion despues di un scandal grandi cu por stroba capacidad di e pais pa atrae ayudo financiero. Pero nan tambe a duna siguransa cu ayudo lo sigui drenta mientras Kyiv ta lucha pa para e invasion di Rusia.

Canciyer Aleman Friedrich Merz a enfatisa preocupacion Europeo tocante corrupcion ora el a papia via telefon cu presidente di Ucrania Volodymyr Zelenskyy, ken su administracion a keda hinca den un scandal cu ta involucra malversacion y soborno den compania nuclear estatal. Esaki ta un di e crisis gubernamental mas significante desde cu Moscu a cuminsa su invasion total, cu medio di comunicacion ta implica un asocia cercano di Zelenskyy.

Merz “a enfatisa expectativa di gobierno Aleman cu Ucrania mester sigui energeticamente combati corrupcion y avansa den mas reforma,” segun un declaracion for di su oficina.

Zelenskyy, e declaracion a bisa, a priminti “transparencia total, sosten a largo plaso pa autoridadnan anti-corupcion independiente y medida adicional rapido pa gana back confiansa di poblacion Ucrainiano, sociopolitico Europeo y donantenan internacional.”

Na mesun tempo, un vocero di Comision Europeo a bisa cu e revelacion di e plan di soborno ta demostra cu esfuersonan anti-corupcion di Ucrania ta funcionando mientras e pais ta busca cumpli cu standardnan pa union cu EU. “E investigacion aki ta muestra cu organismo anti-corupcion ta den su luga y ta funciona den Ucrania,” Guillaume Mercier a bisa na Bruselas.

“Laga’mi enfatisa cu combati corrupcion ta esencial pa un



pais por uni cu EU. E ta rekeri esfuerso continuo pa garantisar un capacidad fuerte pa combati corrupcion.”

### Investigacion di corrupcion ta lanta pregunta tocante oficialnan haltu

Despues cu ministro di husticia y ministro di energia di Zelenskyy a renuncia diahuebs den medio di e investigacion di corrupcion den sector di energia, gobierno a kita for di puesto vice presidente di Energoatom, e compania nuclear estatal cu investiga donan ta kere ta central den e plan di soborno.

EU y otro sociopolitico a pone placa den sector di energia di Ucrania. Rusia a bombardia sin para e red electrico, cual ta rekeri reparacion repetitivo. Hefe di departamento di finanzas, legal y adkision di Energoatom, y un consultor di presidente di Energoatom tambe a ser kita, segun prome minister Yuliia Svyrydenko di aranson anochi.

“Durante e guerra den escala total, ora enemigo ta destrui nos infraestructura di energia tur dia y e pais ta biba bao di orario di blackout, cualkier forma di corrupcion ta inaceptabel,” Svyrydenko a bisa diahuebs den un video di declaracion.

“Den tempo mas dificil, nos forsa ta den unidad. Eradica corrupcion ta un asunto di honor y dignidad,” el a bisa. Tymur Mindich, co-doño di

compania di produccion media Kvartal 95 di Zelenskyy, ta sospecha como lider di e conspiracion. Su paradero ta desconoci.

E investigacion a lanta pregunta tocante loka oficialnan mas haltu tabata sa di e schema. E tambe a rebiba recuerdo di un esfuerso di Zelenskyy zomer pasa pa limita poder di organismo anti-corupcion di Ucrania. El a revoca despues di protesta amplio na Ucrania y presion for di Union Europeo pa trata corrupcion profundo.

Un corte na Kyiv a cuminsacucha evidencia for di organismo anti-corupcion. Esnan — e mesun agencia cu Zelenskyy tabata desea debilita mas tempran e aña — a opera un investigacion di 15 luna, incluyendo 1.000 ora di grabacion telefonico, cu a yega na detencion di cinco persona y implica otro siete den e plan cu supuestamente a genera rond di \$100 milyon.

### EU ta priminti mas ayudo pa Ucrania

Presidente di Comision Europeo Ursula von der Leyen a bisa cu EU lo desaroya diahuebs un prestamo di 6 bion Euro pa Ucrania y el a priminti mas ayudo pa Kyiv. “Nos lo cubri necesidad financiero di Ucrania pa e siguiente dos aña,” el a bisa den un discurso na Parlamento Europeo.

EU ta busca manera pa haya mas placa pa Ucrania, sea door

di tuma activo Rusonan frio, eleva fondo den mercado di capital, of algun di e 27 pais den EU por colecta e placa nan mes.

Presidente Rus Vladimir Putin “ta kere cu el por resisti nos” den e lucha riba futuro di Ucrania, casi cuater aña despues cu Rusia a invadi su bisiña, von der Leyen a bisa. “Y esaki ta un mal calculacion cla,” el a sigui. “Awor mes ta e momento pa bin cu un impulso nobo pa frustra e intento cinico di Putin pa cumpra tempo y forsa un regreso na mesa di negociacion.”

### Ucrania ta hinca su misil cruise Flamingo

Mientrastanto, General Oleksandr Syrskyi, comandante militar principal di Ucrania, a bishita unidadnan cu ta ripara e defensa di Pokrovsk den region oost di Donetsk pa coordina operacion personalmente, el a bisa na Telegram.

Tropanan Ucrainiano ta hinca den peleanan na caya cu forsa Ruso den e ciudad y ta lucha pa evita ser rondia mientras e guerra di e Kremlin ta avansa poco poco.

Syrskyi a bisa cu meta clave ta bolbe tuma control di cierto parti di e ciudad, y tambe pa proteha ruta logistico y crea

ruta nobo pa suministra tropanan y evacua persona herida. “No tin cuestion cu Rusia tin control riba e ciudad di Pokrovsk of cu e forsa di defensa di Ucrania ta operativamente rondia den area,” Syrskyi a bisa. Tambe diahuebs, Ucrania a usa un misil ‘cruise’ domestico nobo hunto cu otro arma pa tene “varios decenas di obheto” den teritorionan ocupa door di Rusia y den Rusia mes, segun estado mayor.

E misil FP-5, cu oficialnan ta bisa por bula 3.000 kilometer y por pega na 14 meter for di su meta, ta un di e mas grandi den mundo, cargando un carga di 1.150 kilogram. El ta conoci generalmente como misil Flamingo pasobra versionnan inicial tabata sali ros pa motibo di un eror den fabricacion.

Den Crimea, cual Rusia a anexa ilegalmente, e estado mayor di Ucrania a bisa cu nan forsa a tuma como meta un terminal di petroleo, un base di helicopter, un lugar pa drone y un radar di defensa aereo. Den parti ocupa di region sur di Zaporizhzhia, un deposito di petroleo y dos centro di comandonan Rusonan a ser tuma.

Estado mayor no a duna detaye riba loka tabata e meta den teritorio Ruso.





## Trekkinglijst van de Landsloterij

| 14de trekking |      |      |       |       |       |      |      |      |       |       |       |       |       |       |       |           |       |       |       |       |       |       |       |       |       |       |       |       |       | 13 november 2025 |       |       |     |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
|---------------|------|------|-------|-------|-------|------|------|------|-------|-------|-------|-------|-------|-------|-------|-----------|-------|-------|-------|-------|-------|-------|-------|-------|-------|-------|-------|-------|-------|------------------|-------|-------|-----|--|--|--|--|--|--|--|--|--|--|--|--|--|--|--|--|--|--|--|--|--|--|--|--|--|--|
| -----         | 2022 | 300  | 4232  | 300   | 6178  | 300  | 8201 | 300  | 10597 | 125   | 12597 | 300   | 14837 | 200   | 16888 | 250       | 19079 | 300   | 21197 | 125   | 23288 | 250   | 25493 | 300   | 27571 | 300   | 29652 | 300   | 31892 | 300              | 34100 | 300   |     |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| TIEN          | 2037 | 200  | 4235  | 300   | 6182  | 300  | 8213 | 300  | 10598 | 300   | 12637 | 200   | 14863 | 300   | 16897 | 125       | 19088 | 250   | 21223 | 300   | 23297 | 125   | 25497 | 125   | 27588 | 250   | 29688 | 250   | 31897 | 125              | 34126 | 300   |     |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| TALLEN        | 2062 | 300  | 4237  | 200   | 6188  | 250  | 8221 | 300  | 10606 | 300   | 12685 | 300   | 14888 | 250   | 16926 | 300       | 19097 | 125   | 21236 | 300   | 23311 | 300   | 25506 | 300   | 27597 | 125   | 29697 | 125   | 31920 | 300              | 34129 | 300   |     |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| -----         | 2088 | 250  | 4240  | 300   | 6197  | 125  | 8231 | 300  | 10623 | 300   | 12688 | 250   | 14897 | 125   | 16937 | 200       | 19137 | 200   | 21237 | 200   | 23311 | 300   | 25537 | 200   | 27622 | 300   | 29716 | 300   | 31934 | 300              | 34137 | 200   |     |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| 23            | 300  | 2097 | 125   | 4245  | 300   | 6200 | 300  | 8237 | 200   | 10637 | 200   | 12697 | 125   | 14924 | 300   | 16964     | 300   | 19161 | 300   | 21243 | 300   | 23337 | 400   | 25568 | 300   | 27623 | 300   | 29722 | 300   | 31937            | 200   | 34141 | 300 |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| 28            | 300  | 2132 | 300   | 4263  | 300   | 6219 | 300  | 8253 | 300   | 10660 | 300   | 12737 | 200   | 14937 | 200   | 16988     | 500   | 19177 | 300   | 21250 | 300   | 23376 | 300   | 25588 | 250   | 27637 | 200   | 29735 | 300   | 31979            | 300   | 34165 | 300 |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| 37            | 200  | 2137 | 200   | 4268  | 300   | 6224 | 300  | 8279 | 300   | 10688 | 250   | 12751 | 300   | 14958 | 300   | 16997     | 125   | 19188 | 250   | 21260 | 300   | 23386 | 300   | 25597 | 125   | 27660 | 300   | 29737 | 200   | 31984            | 300   | 34166 | 300 |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| 39            | 300  | 2161 | 300   | 4288  | 250   | 6229 | 300  | 8283 | 300   | 10690 | 300   | 12788 | 250   | 14984 | 300   | -----     | ----- | 19215 | 300   | 21288 | 250   | 23397 | 300   | 25625 | 300   | 27687 | 300   | 29788 | 250   | 31997            | 125   | 34191 | 300 |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| 88            | 250  | 2188 | 250   | 4297  | 125   | 6237 | 200  | 8288 | 250   | 10697 | 125   | 12797 | 125   | 14988 | 500   | ZEVENTIEN | ----- | 19237 | 200   | 21291 | 300   | 23400 | 300   | 25637 | 200   | 27688 | 250   | 29797 | 125   | -----            | ----- | 34197 | 125 |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| 97            | 125  | 2197 | 125   | 4313  | 300   | 6261 | 300  | 8294 | 300   | 10725 | 300   | 12825 | 300   | 14997 | 125   | DUIZEND   | ----- | 19279 | 300   | 21297 | 125   | 23419 | 300   | 25640 | 300   | 27691 | 300   | 29821 | 300   | TWEE EN          | ----- | 34209 | 300 |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| 97            | 300  | 2214 | 300   | 4330  | 750   | 6262 | 300  | 8297 | 125   | 10734 | 200   | 12837 | 200   | ----- | ----- | -----     | ----- | 19288 | 250   | 21300 | 300   | 23429 | 300   | 25657 | 300   | 27697 | 125   | 29836 | 300   | DERTIG           | ----- | 34225 | 300 |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| -----         | 2237 | 200  | 4331  | 750   | 6288  | 250  | 8309 | 300  | 10737 | 200   | 12843 | 300   | ----- | ----- | ----- | -----     | ----- | 19297 | 125   | 21337 | 400   | 23437 | 200   | 25688 | 250   | 27699 | 300   | 29837 | 200   | DUIZEND          | ----- | 34232 | 300 |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| HONDERD       | 2258 | 300  | 4332  | 750   | 6297  | 125  | 8337 | 400  | 10788 | 250   | 12885 | 300   | ----- | ----- | ----- | -----     | ----- | 19337 | 400   | 21380 | 300   | 23440 | 300   | 25697 | 125   | 27723 | 300   | 29845 | 300   | -----            | ----- | 34237 | 200 |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| TALLEN        | 2288 | 250  | 4332  | 300   | 6299  | 300  | 8352 | 300  | 10797 | 125   | 12888 | 250   | ----- | ----- | ----- | -----     | ----- | 19348 | 300   | 21384 | 300   | 23447 | 300   | 25719 | 300   | 27737 | 200   | 29873 | 300   | 32013            | 300   | 34250 | 300 |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| -----         | 2297 | 125  | 4333  | 750   | 6313  | 300  | 8388 | 250  | 10837 | 200   | 12897 | 125   | ----- | ----- | ----- | -----     | ----- | 19357 | 300   | 21388 | 250   | 23471 | 300   | 25737 | 200   | 27788 | 250   | 29888 | 250   | 32033            | 300   | 34253 | 300 |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| 105           | 300  | 2298 | 300   | 4334  | 750   | 6318 | 300  | 8397 | 300   | 10869 | 300   | 12912 | 300   | ----- | ----- | -----     | ----- | 19388 | 250   | 21392 | 300   | 23488 | 250   | 25752 | 300   | 27791 | 300   | 29897 | 125   | 32037            | 200   | 34254 | 300 |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| 137           | 200  | 2333 | 300   | 4335  | 750   | 6324 | 300  | 8413 | 300   | 10880 | 1000  | 12936 | 300   | ----- | ----- | -----     | ----- | 19397 | 300   | 21395 | 300   | 23497 | 125   | 25758 | 300   | 27797 | 125   | 29937 | 200   | 32063            | 300   | 34288 | 250 |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| 147           | 300  | 2337 | 400   | ----- | ----- | 6337 | 400  | 8434 | 300   | 10887 | 125   | 12988 | 500   | ----- | ----- | -----     | ----- | 19437 | 200   | 21397 | 500   | 23504 | 300   | 25762 | 300   | 27814 | 300   | 29988 | 500   | 32079            | 300   | 34297 | 125 |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| 171           | 300  | 2346 | 300   | ----- | ----- | 6339 | 300  | 8437 | 200   | 10898 | 300   | 12997 | 125   | ----- | ----- | -----     | ----- | 19439 | 300   | 21409 | 300   | 23537 | 200   | 25763 | 300   | 27837 | 200   | 29997 | 125   | 32086            | 300   | 34309 | 300 |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| 180           | 300  | 2377 | 300   | ----- | ----- | 6362 | 300  | 8456 | 300   | 10937 | 200   | 13007 | 200   | ----- | ----- | -----     | ----- | 19465 | 300   | 21420 | 300   | 23548 | 300   | 25788 | 250   | 27871 | 300   | ----- | ----- | 32088            | 250   | 34310 | 300 |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| -----         | 2388 | 250  | ----- | ----- | 6388  | 250  | 8475 | 300  | 10977 | 125   | 13037 | 200   | ----- | ----- | ----- | -----     | ----- | 19474 | 300   | 21437 | 200   | 23552 | 300   | 25797 | 125   | 27888 | 250   | ----- | ----- | 32097            | 125   | 34324 | 300 |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| 197           | 125  | 2392 | 300   | 4336  | 2000  | 6397 | 300  | 8488 | 250   | 10951 | 300   | ----- | ----- | ----- | ----- | -----     | ----- | 19483 | 300   | 21452 | 300   | 23588 | 250   | 25799 | 300   | 27890 | 300   | ----- | ----- | 32117            | 300   | 34337 | 750 |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| 200           | 300  | 2397 | 300   | 4337  | ----- | 6401 | 300  | 8497 | 125   | 10988 | 1000  | ----- | ----- | ----- | ----- | -----     | ----- | 19487 | 300   | 21457 | 300   | 23597 | 125   | 25810 | 300   | 27893 | 750   | ----- | ----- | 32137            | 200   | 34346 | 300 |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| 216           | 300  | 2428 | 300   | ----- | ----- | 6429 | 300  | 8537 | 200   | 10991 | 300   | ----- | ----- | ----- | ----- | -----     | ----- | 19488 | 250   | 21488 | 250   | 23606 | 300   | 25828 | 300   | 27897 | 125   | ----- | ----- | 32149            | 300   | 34351 | 300 |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| 237           | 200  | 2437 | 200   | 4338  | 2000  | 6437 | 200  | 8543 | 300   | 10997 | 125   | 13037 | 200   | ----- | ----- | -----     | ----- | 19497 | 125   | 21497 | 125   | 23607 | 300   | 25831 | 300   | 27922 | 300   | ----- | ----- | 32178            | 300   | 34357 | 300 |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| 288           | 250  | 2465 | 300   | ----- | ----- | 6446 | 300  | 8560 | 300   | ----- | ----- | 13040 | 300   | ----- | ----- | -----     | ----- | 19517 | 200   | 21504 | 300   | 23637 | 200   | 25832 | 300   | 27937 | 200   | ----- | ----- | 32188            | 250   | 34388 | 250 |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| 297           | 125  | 2488 | 250   | 4339  | 750   | 6471 | 300  | 8588 | 250   | ----- | ----- | 13045 | 300   | ----- | ----- | -----     | ----- | 19517 | 200   | 21504 | 300   | 23637 | 200   | 25832 | 300   | 27937 | 200   | ----- | ----- | 32188            | 250   | 34388 | 250 |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| 299           | 300  | 2497 | 125   | 4353  | 300   | 6472 | 300  | 8597 | 125   | ----- | ----- | 13048 | 300   | ----- | ----- | -----     | ----- | 19537 | 200   | 21507 | 300   | 23640 | 300   | 25837 | 200   | 27973 | 300   | ----- | ----- | 32197            | 125   | 34397 | 300 |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| 319           | 300  | 2519 | 300   | 4361  | 300   | 6488 | 250  | 8607 | 300   | ----- | ----- | 13051 | 300   | ----- | ----- | -----     | ----- | 19558 | 300   | 21537 | 200   | 23661 | 300   | 25863 | 300   | 27987 | 500   | ----- | ----- | 32207            | 300   | 34418 | 300 |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| 326           | 300  | 2537 | 200   | 4388  | 250   | 6497 | 125  | 8622 | 300   | 11037 | 200   | 13088 | 250   | ----- | ----- | -----     | ----- | 19560 | 300   | 21537 | 300   | 23688 | 250   | 25866 | 300   | 27997 | 125   | ----- | ----- | 32237            | 200   | 34427 | 300 |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| 337           | 400  | 2551 | 300   | 4397  | 300   | 6512 | 300  | 8631 | 300   | 11061 | 300   | 13091 | 300   | ----- | ----- | -----     | ----- | 19566 | 300   | 21571 | 300   | 23697 | 125   | 25870 | 300   | ----- | ----- | 32283 | 300   | 34437            | 200   |       |     |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |
| 378           | 300  | 2569 | 300   | 4437  | 200   | 6515 | 300  | 86   |       |       |       |       |       |       |       |           |       |       |       |       |       |       |       |       |       |       |       |       |       |                  |       |       |     |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |  |



Diasabra awo Baki den Bario na Centro di Bario Playa Pabou

E accion den bario lo intensifica pa asina brinda e comunidad mas oportunidad pa deshaci di desperdicio mirando e temporada di fin di aña ta acerca.

Prome minister Mike Eman durante conferencia di prensa diahuebs mainta a anuncia e proximo localidad pa Baki den Bario, cu e biaha aki lo bira Centro di Bario Playa Pabou. Acompaña pa e departamentonan encarga cu e accion aki, a gradici na prome lugha Dennis Burke cu ta presidente di Centro di Bario Playa Pabou, pa pone e area disponibel pa asina por cuminsa e preparacion pa e siguiente Baki den Bario. E accion aki lo tuma lugha diasabra awo, caminda ta man-



da un invitacion na henter e bario di Playa Pabou, Madiki,

Bushiri, Rancho y vecindario pa nan forma parti di e accion di limpieza aki, probecta di e bakinan cu lo ta disponible pa asina benta mas sushi cu ta posible afo. A enfatisa e importancia di bario, cu ta forma un sociedad caminda ta lanta y crece den un cas, den un bario caminda ta forma amistad y oportunidad. Un bario ta caminda hopi a hunga y forma su mes cu locual e tabatin rond di dje den su bario. Lo determina hopi su personalidad. E bario ta crea e ciu-

dadano di mañan. Motibo grandi pakico ta haci e trabounan aki den bario ta cu e hoben di awe ta bira e adulto di mañan cu ta forma e bario cu a crea pa nan. Cada bario tin su reto, pero tambe su fortaleza, cual ta loke kier reenforza y pone tur ingrediente pa e siguiente generacion por lanta cu sentido di compromiso cu nan bario, cu henter un pueblo. Lo tin atencion riba e mejoracion fisico di cada bario, manera areanan recreacional, edificio, mantencion, infraestructura, iluminacion pero tambe atencion riba convivencia y comunidad pa asina tur hunto logra aporta na un Aruba limpi cu solidaridad y cu oportunidadnan nobo y mira hobennan crece cu speransa, adultonan mayor cu amor rond di nan y asina crea barionan dushi pa biba aden. Baki den Bario su accion ta cuminsa for di mainta tempran. Pa 7:00am tin personal presente pa asina dirigi e ciudadano cu ta yega pa deshaci di su desperdicio. Probeta y yuda bo bario cu e accion di limpieza aki. E siguiente Baki den Bario lo ta riba 29 di november na Paradera, 6 december na San Nicolas y 13 di december na Barcadera.

Resultado Sorteo  
13 November 2025

Cadena Alexander Lottery ta presenta resultado di weganan di suerte

| DIARIO | KORSOU | SUPER4 | FLAMINGO |
|--------|--------|--------|----------|
| 8325   | 1194   | 0216   | 6441     |
| 5195   | 5140   | SUPER5 | 6927     |
| 8202   | 8496   | -      | 2245     |

MERDIA

Sorteo # 4802

4570

7361

6795

FP

Sorteo # 4802

9164

FP

Sorteo # 2858

9407

Sorteo # 4802

7961

Tauro

Sorteo # 1676

028

X2

Sorteo # 8700

3815

6164

5078

x2

Sorteo # 7744

5436

X2

Sorteo # 2449

3302

Sorteo # 6503

9625

Virgo

Sorteo # 1433

532

Fp

Sorteo # 2644

0 x Jackpot

0 x Match 4+

0 x Match 4

0 x Afl. 12,00

Joker Letter

Proximo Jackpot

280.000,-

Sorteo # 7008

0 x Jackpot

5 x Match 4

194 x Afl. 8,00

02-05-12-18-19

Proximo Jackpot

68.000,-

Sorteo #

0 x Jackpot

0 x match 4

0 x Afl. 500,00

0 x Afl. 50,00

0 x Afl. 15,00

Mega Ball

Proximo Jackpot

475.000,-

Afl. 675.000,-

Sorteo #

SUDOKU

To play sudoku, use logic to fill the empty squares so that each row, each column and each 3x3 box contains the numbers 1-9 only once. Puzzle difficulty increases from Monday to Sunday.

King Classic Sudoku

|   |   |   |   |   |   |   |   |   |
|---|---|---|---|---|---|---|---|---|
|   | 5 | 1 |   |   |   | 6 |   |   |
| 4 |   |   | 1 | 9 | 7 |   |   |   |
| 7 |   |   |   |   |   |   |   |   |
|   |   |   |   | 1 | 9 |   |   | 8 |
| 6 |   |   |   |   |   |   | 4 | 2 |
|   | 4 |   | 7 |   |   | 5 |   | 9 |
|   | 7 |   |   |   |   |   |   | 6 |
|   |   | 2 |   | 6 |   | 9 |   |   |
|   | 8 |   |   |   |   | 2 |   |   |

Difficulty: ★★★★★ 11/14

Answer to previous puzzle

|   |   |   |   |   |   |   |   |   |
|---|---|---|---|---|---|---|---|---|
| 4 | 8 | 9 | 1 | 6 | 7 | 2 | 5 | 3 |
| 7 | 3 | 1 | 5 | 8 | 2 | 9 | 6 | 4 |
| 5 | 2 | 6 | 4 | 3 | 9 | 7 | 1 | 8 |
| 1 | 4 | 3 | 7 | 9 | 5 | 8 | 2 | 6 |
| 8 | 6 | 2 | 3 | 1 | 4 | 5 | 9 | 7 |
| 9 | 7 | 5 | 8 | 2 | 6 | 4 | 3 | 1 |
| 3 | 1 | 4 | 9 | 5 | 8 | 6 | 7 | 2 |
| 2 | 5 | 7 | 6 | 4 | 1 | 3 | 8 | 9 |
| 6 | 9 | 8 | 2 | 7 | 3 | 1 | 4 | 5 |

Difficulty: ★★★ 11/13

BONDIA ARUBA

Ora di STUUR pone bo cel abou

E text por warda Bo bida NO





**Cas Di Cultura**

Vondellaan 2 Aruba  
297-582-1010

**F A D A**

Campanastraat 5 Aruba  
297-583-2999  
297-583-9610

**F A V I**

Primavera 233 Aruba  
297-582-5051  
297-582-5222

**F E P O**

Engelandstraat 15 Aruba  
297-583-1016  
297-583-6607

**Fundacion Contra  
Violencia Relacional**  
Tel: 583-5400

**Fundacion Autismo  
Aruba**

Irenestraat 21 Aruba  
297-588-1179

**Fundacion Pa Nos  
Muchanan**

Cumana 2 Aruba  
297-583-4247

**Fundacion Tel Pa  
Hubentud**

Wilhelminastraat 19  
Aruba  
297-588-6138

**Koningin Wilhelmina  
Fonds**

Spinozastraat 9 Aruba  
297-582-0412

**Mary Joan Foundation**  
Sabana Blanco 8 Aruba  
297-588-9999

**Rode Kruis Aruba**

Pedro Gallegostraat 14  
Tel. 297-582-2219  
Fax 588-3376

**Famia Planea (SBVO)**

Avenida Milio J Croes 17  
B Aruba  
297-588-9591  
www.famiaplanea.org  
famiaplanea@hotmail.com

**Stichting Fundacion  
Guia Mi**

George Madurostraat 34  
297-582-0088

**Y M C A**

Calbasstraat 1 Aruba  
297-582-3072

**AL-ANON group**

Sabana Liber #8, Noord  
(close to the hotels)  
Tel: 736-2952 or  
593-7081



**Dokter na warda**

**Oranjestad San Nicolas**  
**Hospital Imsan**  
7:00 pm / 10:00 pm **24 ora**

**Botica na warda**

**Oranjestad: San Nicolas:**  
Kibrahacha : Seroe Preto:  
Tel. 583 4908 Tel. 584 4833

**EMERGENCIA 911**

**POLIS**

**Oranjestad 100**  
**San Nicolas 104**  
**Santa Cruz 105**  
**Noord 107**  
**Tip Line 11141**  
**Brandweer 115**  
**Ambulance 911**  
**Hospital 527-4000**  
**Imsan 524-8833**  
**Warda Costa 913**  
**Seguridad Nacional 11911**  
**Cruz Cora 582-2219**

**BOTICA**

**Aloe 584-4606**  
**4 Centro Medico 584-5794**  
**Central 585-1965**  
**Dakota 588-7364**  
**Del Pueblo 582-1253**  
**Eagle 587-9011**  
**Kibrahacha 583-4908**  
**Maria 585-8145**  
**Di Servicio Noord 586-4606**  
**Oduber 582-1780**  
**Paradera 588-6638**  
**San Lucas 584-5119**  
**Santa Anna 586-8181**  
**Santa Cruz 585-8028**  
**Sero Preto 584-4833**  
**Trupial 583-8560**

**UTILIDAD**

**Setar 117**  
**Web 525-4600**  
**Elmar 523-7147**

**FUNERARIA**

**Aurora 588-6699**  
**Royal Funeral H. 586-4444**  
**Ad Patres 584-2299**  
**Olive Tree 584-8888**

**Aruba Transfer Tour &  
Taxi C.A.**

Tel: 582 2116 / 582 2010

**Taxi Adres Services (24h)**

Tel. 587 5900

**A1 Taxi Services Aruba**

Tel: 587-8850  
Tel: 280-2828  
Whatsapp: 592-7024

## Administracion di Trump ta designa cuatro red iskierdista Europeo como organizacion terrorista



(AP) – **Administracion Mericano ayera a designa cuatro grupo iskierdista Europeo como organizacion terrorista, cumpliendo su promesa pa tuma accion contra iskiertistanan despues di asesinato di activista conservador, Charlie Kirk.**

E rednan riba cual e administracion Republicano a enfoca tur ta parce di ta basa na Europa, sin operacion na Merca. Nan ta un frente Italiano anarkista cu a manda paki explosivo na presidente di Comision Europeo na 2003; dos red Griego cu ta kere a pone bom pafo di edificio di polis y departamento di Labor na Atenas; y un grupo anti-facista cual su miembronan a keda persigui pa autoridadnan Aleman pa un atake cu martiu na Dresden.

E anuncio online di gobierno Mericano ta bisa cu “militantenan anarkista a checuta campananan di teror na Merca y Europa, conspirando pa mina e fundeshi di Civilisacion Occidental mediante nan atakenan brutal.”

E anuncio di Departamento di Estado a yega den anochi na Europa, ora gobiernonan na e paisnan cu a combati e rednan na a responde inmediatamente na solicitud pa comentario.

E designacion pa gruponan asina no ta sin precedente. Grecia tin un historia di decadas largo di atake di gruponan anarkista di iskierta extremo, algun di cual a ataca oficialnan Mericano. E gruponan aki a keda lista como organizacionnan terrorista pa Merca, bayendo back na añanan 1970.

Tampoco ta prome biaha cu e administracion Mericano a ataca antifa. Dos siman despues di asesinato di Kirk, presidente Trump a firma un orden ehecutivo designando antifa como un organizacion terrorista domestico. E implicacionnan practico no ta cla pasobra no por inclui gruponan domestico den lista di Departamento di Estado di organizacionnan terrorista stranhero.

E grupo mas prominente entre esnan designa e siman aki pa Merca ta e Frente Revolucionario Internacional, tambe conoci como e Federacion Anarkista Informal. A haci su mes conoci pa prome biaha na 2003-2004, tempo cu a manda paki explosivo na presidente di Comision Europeo e tempo ey, Romano Prodi.

Husticia Proletario Arma ta number di e grupo cu a tuma responsabilidad pa pone un bom, cu no a rementa, pafo di edificio di riot polis na Atenas na december 2003. Dos luna despues, un bom a detona na departamento di Labor Griego, y un red nobo, yamando su mes Clase Revolucionario Defensa Propio a tuma responsabilidad. Tambe a tuma responsabilidad pa un explosion e aña aki pafo di oficina di compania di trein di e pais.

E ultimo red ta conoci como Antifa Ost. Cuatro miembro a keda condena na 2023 di ta involucra den atake cu martiu contra hende sospecha di ta neo-Nazi na Alemania oriental. Mas recientemente, fiscalnan a entrega cargo nobo contra miembronan di e organizacion pa ataca hende cu nan a bisa tabata neo-Nazi na Budapest.

## Pronostico di tempo



**Tempo**

Parcialmente nubia cu un awasero local.

Temperatura maximo 32 grado Celsius.

Temperatura minimo 27 grado Celsius.

Indice di calor (heat index) den y rond di oranan di merdia: 33 pa 40 grado Celsius.

UV index: 9.

Bahada di solo: 6:11 pm.  
subida di solo: 6:37 am.

**Biento**

Moderate te basta fuerte for di direccion generalmente oost; forsa 4 te 5 (12 te 39 km/ora, 11 te 21 nudo). Durante di dia posiblemente fuerte den rafaga; forsa 6 (40 te 50 km/ora, 22 te 27 nudo).

Situacion general di tempo No spera mucho cambio den e tipo di weer cu ta reinando. Extension di e area di presion halto riba Atlantico, lo domina e tempo y mantene esaki generalmente seco.

Sinembargo, algun area di nubia cu ta move cu e biento lo por produci un awasero pasahero durante e periodo di pronostico aki.

**Condicion maritimo/  
estado di lama:**

Na partinan proteje di costa: keto cu olanan rond di 1 pia. Na partinan zuid: trankil cu olanan di 1 te 2 pia. Na partinan oost te noordwest di costa: generalmente modera cu olanan alrededor di 3 pa 5 pia.





# Aurora

## Royal Pray

Funeral Home & Crematory

Mino a muri  
Ta pesey mino a bisa ayo.  
Mi a djis habri mi halanan  
y bula bai keiro.  
Boso a keda atras.  
No laga tristesa domina bosa.  
Keda uni un cu otro pami alma,  
Esey lota un alegria. Recordami cu hopi amor.

A bai sosega den brasa di Señor:



**Anthony Giovanni Boyé**

Mihor conoci como: "Tom, Tom Poes, Tom Cat"  
\*16-04-1962 † 05-11-2025

Na number di su:  
**Casa:** Sandra Boyé-Lijbaart

**Yiu:** Jesly Boyé

**Swa:** Sjaak y Monique (NL)

**Rumannan:**  
Evelyn Boyé y famia  
Imelda Boyé y famia  
Velda Boyé y famia (SXM)  
Mirlanda Boyé y famia (NL)  
Josefa Boyé y famia (US)  
Dalilah Boyé

**Mayornan:**  
† Maria Boyé-Monart  
† José Boyé

**Mama di su yiu:** Carla Petrocthi y famia

**Tantanen:**  
Bea Marquez-Monart y famia  
Prisca Kock-Monart y famia

**Omonan:**  
Jan Monart y famia (NL)  
Isidro Monart y famia (NL)

**Subrino(a)nan, Primo(a)nan, Amigo(a)nan, Conocirnan**

Coleganan di Marriott Surf Club

**Demas famia:** Boyé, Monart, Lijbaart, Oduber, Martis, Nisbeth, Alberto, Bowers, Linde, Marquez, Kock, Kemp, Leonardo

Ta deseo di famia pa bin bisti nan color nan alegre.

**Acto di despedida ta tuma lugar** diasabra 15 di November 2025 di 2or pa 4or di atardi na Royal Funeral Home.  
Cremacion lo tuma lugar den seno familiar.

# Aurora

## Royal Pray

Funeral Home & Crematory

"Señor ta mi wardador, mi'n tin falta di nada.  
Den cunucu di yerba berde e ta ponemi sosega.  
E ta hibami na awa trankil,  
pa mi bolbe haña forsa".  
Salmo: 23

Cu dolor na nos curason pero conforme cu Dios su boluntad, nos ta anuncia fayecimento di:



**Maria Irena Croes-Schwengle**

\*28-06-1936 † 10-11-2025

Na number di su:

**Esposo:** † Juan Francisco Croes

**Stima manera yiu:** Randolph Laclé

**Rumannan:**  
† Buchi, Elvia y famia  
† Chomi, Aura y famia  
† Rito, Enid y famia  
Aurora, † Johnny y famia  
Cai, Isabel y famia  
† Michi, † Felipe y famia  
Greta, Andy y famia  
Roly, Shila y famia  
Adid Tovar  
Antonilia Maduro

**Tanta di respet:** Luisa v/der Linden

**Swa y cuñanan:**  
Aida Schravendijk y famia  
Eddy, Freda Croes y famia  
Ephraim, Marjan Croes y famia  
Lucio, Rita Croes y famia  
Roland, Ada Croes y famia  
Griselda Croes, Ricardo Toppenberg y famia  
Diana Croes

**Sobrino(a)nan:** Julienne, Edel, Teolindo, Aurita, †Raul, Sharlene, Sherine, Sua-Ann, Romilda, Jesmine, Gilbertus, Roderick, Alexander, Marvin, Randolph.

Primo(a)nan, Ihanan

**Demas famianan:** Schwengle, Croes, Oduber, Laclé, Henriquez, Geerman, van der Linden, Fingal, de Cuba, Rasmijn, Martinus, Tovar, Galindo

**Acto di entierro lo tuma lugar** Diabierna 14 di November 2025 di 9:00 or pa 11:00 or di mainta na Royal Funeral Home y despues lo sali bai pa Santana catolico na Savaneta.

Nos disculpa si den nos tristesa bos por a lubida algun miembro di famia.

# Aurora

## Royal Pray

Funeral Home & Crematory

The Lord is my shepherd,  
I shall not want,  
He maketh me lie down in green pastures,  
He leads me beside quiet waters,  
He refreshes my soul  
Psalm 23 verse 1,2 & 3

With profound sadness in our hearts but immensely grateful for all that she was and represented to us, we announce the sudden passing away of our beloved sister, aunt, great-aunt and friend:



**Mrs. Cecilia Alicia van Heijningen-Dennie**

widow of Harry van Heijningen  
\*26-03-1949 - †09-11-2025

"Left to mourn her are":

**Sisters and brothers:**  
† Beryl Dennie and family  
Joyce Amelia-Dennie and Herald Amelia and family  
† Sylvester Dennie and family  
Anthony (Tony) Dennie and Romana Dennie-Solognier and family  
Frances Dohmen-Dennie and John Dohmen and family  
Michael Dennie

**Nephews and nieces:**  
Close friend Casandra Thompson, Harold Leslie and good neighbor Anneke Reed Grupo Flor di Brazil, "Savaneta les di Salud I Felicidad"  
and other family members and friends too numerous to mention.

**The funeral service will take place** on Friday 14th November 2025, from 2:00 to 4:00 at Pray Funeral Home in San Nicolaas.  
The cremation service will take place in the close comfort of family members.

Please excuse us if in this moment of sorrow we might have forgotten to mention anyone.

We apologize that after the cremation-service we will not be able to accept any condolence at home.



Aurora  
Royal Pray  
Funeral Home & Crematory

Laga tur loke ta spera mi ta bunita  
Laga tur locual cu mi encontra na caminda ta bunita  
Laga tur locual cu mi laga atras keda bunita y  
Laga esakinan termina den tur buniteza.

Nos ta anuncia fayecimento di:



**Xiovanne Eleuteria Caciano**  
Mihor conoci como: "Poppy"  
\*02-10-1961 - †10-11-2025  
Lid in Orde van Oranje Nassau

**Mayornan:**

† Eugenio y † Lucia Caciano-Hersisia

Na nomber di su:

**Yiunan:**

Michaël "Miki" Kirindongo y Lisney Maria  
Xiovanne "Vanchi" Kirindongo

**Rumannan:**

Sildra Stefania-Caciano  
Mirelva "Mimi" Caciano  
Joyce Caciano  
Signaira "Nanchi" Caciano

**Sobrino(a)nan:**

Mishénna Caciano  
Patrick Caciano  
Nathaniël Maal  
Mishavier Janzen  
Brayen Wawoe  
Legenne Wawoe  
Jair Wawoe

**Ex-casa:**

Michaël "Maikel" Kirindongo

**Primo(a)nan:**

Caciano, Leyba, Legito, Martijn, Job, Jamboos,  
Ventura, Hersisia, Windster, Troncon, de Jesus.

**Prima stima:** Lilian "Chichi" Caciano

Su comader, compader y iha nan.

**Demas famia:** Caciano, Kirindongo, Thodé,  
de Freitas, tur su amistadnan y su alumno/ ex-  
alumnonan. Grupo di bailenan: Nos Fofoti y  
Gucci dancers.

**Ta invita pa e acto di despedida y entierro**  
cu lo tuma lugar diasabra 15 di november 2025  
na Aurora Funeral Home di 9:00 am pa 12:00  
pm, despues lo sali pa Santana central na  
Sabana Basora.

Aurora  
Royal Pray  
Funeral Home & Crematory

"Señor ta mi wardador, mi'n  
tin falta di nada,  
Den cunucu di yerba berde e ta  
ponemi sosega.  
E ta hibami na awa trankil,  
pa mi bolbe haña forsa".



Cu inmenso dolor na nos  
Curason, nos ta anuncia  
fayecimento di nos ser stima:

**Marcial Rasmijn**  
Mihor conoci como "Buy"/"Buchi"  
\*11-04-1966 - †03-11-2025

Na nomber di su:

**Mascotanan Stima:** Preto & Yellow

**Mama:** † Nicolina Rasmijn-Angela

**Tata:** † Marcelo Rasmijn

**Rumannan:**

Rufina Rasmijn y yiunan  
Ambrosia Werleman-Rasmijn, †Martinus  
Werleman y yiunan  
† Godfried "Frido" Rasmijn y yiu  
Casilda Rasmijn, Willem Smit y yiunan  
Magdalena Rasmijn y Hairo Dijkhoff  
Andronico Rasmijn, Mariela y yiu  
† Flora Maria Rasmijn y yiunan  
Ovito Rasmijn, Karianne y yiu

**Tanta y Omonan:**

Irma Vrolijk-Rasmijn, Juan Vrolijk  
Catrien Engelen-Rasmijn y yiunan  
Tersicio Rasmijn, Esposa y yiunan  
† Ovito Rasmijn y yiu  
† Claudio Angela, † Maria Angela- Geerman y  
yiunan  
† Estaneslau Angela y yiunan

**Sobrino/a nan:**

Soledad Rasmijn  
Salvador Rasmijn y Aprifikanti  
Santiago Rasmijn, Kimberly Blom y yiunan  
Stephany Werleman  
Edgart Martin Wernet, Sjoyvy Wernet-Jansen y  
yiunan  
Janine Henricus  
Selma Rasmijn  
Stefanie Rasmijn  
Dennis Smit  
Kimberly Rasmijn  
Michael Brandon Pel  
Christian Roderick Pel  
† Christopher Frederick Pel  
Shelby Rasmijn

Primo- y primanan, swa y cuñanan, bisiñanan,  
amistadesnan, amiga Astrid Konijn y tur ex coleganan di  
Ecotech-ATCO, Martijn Trading.

**Nos kier a tuma e oportunidad pa gradici** Dialysis  
Clinic HOH, Wondenpolie HOH, Lite Life transport  
y tur famia of amistadnan cu den un of otro manera a  
duna support durante e periodo nan dificil.

**Demas famia:** Rasmijn, Angela, Werleman, Vrolijk,  
Engelen, Wernet, Henricus, Smit, Blom, Geerman,  
Dijkhoff, Pel, Konijn.

Ta invita tur famia, amigo-amiganan y demas conocirnan  
pa asisti na acto di despedida cual lo tuma lug a diasabra 15  
di November 2025 na Parokia Inmaculada Concepcion na  
Santa Cruz di 2or pa 4or di atardi.

Lo tin un box disponibel den misa pa haci un donacion pa  
un bon causa.

Nos disculpa cu despues di intiero no por ricibi bishita di  
condolencia na cas.

Ta pidi disculpa si den nos tristeza nos por a lubida un of  
otro famia, amistad of conocir.

Truck ta pasa riba  
peatonnan den un mercado  
na Corea di Sur, causando 2  
morto y 18 herido



(AP)—Un truck a dal pasa riba peatonnan den un mercado na Corea di Sur diahuebs, causando e morto di dos persona y heridando 18 mas, segun oficialnan.

E dos victima a ser declara morto na hospital despues di e incidente poco prome cu 11or di mainta den ciudad Bucheon, cerca di e capital Seoul.

Entre e 18 herido, nueve persona a haya heridanan serio, segun gobierno municipal di Bucheon a declara, indicando cu no tabata inmediatamente cla si algun di e heridanan tabata menasante pa nan bida. Polis ta cuestionando e chauffeur di e truck no identifica, ken no tabata bao influencia di alcohol ni droga, segun Son Byeong-sam, un oficial di polis na Bucheon.

Park Geum-cheon, un oficial di departamento di bombero di Bucheon, a bisa cu testigonan a conta investigadornan cu e vehiculo a 'reverse' mas o menos 28 meter prome cu el a core bay dilanti y pasa riba peatonnan riba caminda.

E chauffeur a bisa cu su vehiculo tabatin un strobacion, y oficialnan ta evaluando grabacion di camaranan di seguridad den bisindario.

Bucheon lo duna sosten financiero pa restaura e instalacionnan daña, segun alcalde Cho Yong-eek a bisa den un declaracion, agregando cu e ciudad tambe lo haci inspeccionnan di seguridad y lo duna sosten psicologico na comerciante y otro personanan cu a mira e accidente.

E oficina di Cho no tabatin un calculacion inmediato di e cantidad di daño, incluyendo e cantidad di tiendanan afecta.

Aurora  
Royal Pray  
Funeral Home & Crematory

"Dios ta amor... y  
amor ta Dios,  
maske mi no ta na e  
mundo aki, tur dia lo  
mi ta banda  
di boso Curazon,  
mi por stens di loke  
Señor ta hasi"  
Salmo 33



Cu dolor na nos  
curason, nos ta  
participa fayecimento  
di:

**Maria Margaritha Maduro**  
Cariñosamente yama "Ama"  
\*11-06-1957 - †12-11-2025

Acto di entierro lo wordo anuncia despues



## Propuesta di Merca na UN pa un forsa di stabilisacion pa Gaza ta enfrenta preocupacion for di Rusia, China y paisnan Arabe

(AP)—Un propuesta di Merca pa duna un mandato di Nacionnan Uni pa un forsa internacional pa estabilisa Gaza ta enfrentando resistencia for di Rusia, China y algun pais Arabe, cu ta expresa preocupacion tocante un directiva ainda no estableci cu lo goberna temporalmente e territorio y falta di un rol transitorio pa e Autoridad Palestina.

China y Rusia—dos miembro cu derecho di veto den e Consejo di Seguridad di UN—a pidi pa e “Directiva of Peace” bao plan di alto-al-fuego di presidente Mericano Donald Trump ser kita completamente for di e resolucion, segun cuatro diplomaat di UN cu a papia bao condicion di anonimidad pa discuti negociacionnan cu ainda ta andando.

Den e ultimo propuesta publica diahuebs anochi y obteni pa The Associated Press, Merca a keda cu e idioma tocante un directiva, mientras ta inclui un compromiso mas fuerte cu autodeterminacion Palestino.

Mientras cu algun di e reaccionnan na e propuesta di



Merca ta refleha negociacion tipico entre paisnan—cu cambianan di idioma y revisionnan detaya—e oposicion na un directiva transitorio ta indica cu tin un buraco creciente entre algun miembro di e cuerpo mas poderoso di UN y Merca despues di mas cu dos aña di guerra.

Na mesun momento, otro miembronan a bisa cu accion rapido por evita cu e progreso pa paz ta ser para, segun un di

e diplomaatnan. Secretario di Estado di Merca, Marco Rubio, tambe a ripiti e urgencia, bisando cu e resolucion mester pasa “mesora.”

“Mi ta kere cu nos ta haciendo bon progreso den e idioma di e resolucion, y mester tin accion pronto,” el a bisa reporteronan diahuebs prome cu el a sali di un reunion di ministernan di Asunto Exterior di G7 na Canada. “Nos no kier perde momentum.”

Miembronan di e Consejo di Seguridad a pidi pa cambio den e propuesta di Merca. Merca a circula un propuesta pa prome biaha siman pasa na tur 15 miembro di e Consejo, cual lo duna un mandato internacional amplio pa e forsa di stabilisacion pa garantiza seguridad den Gaza te fin di 2027, trahando hunto cu e Directiva di Paz cu falta pa establece ainda. Paisnan Arabe y otro paisnan cu a expresa interes pa participa den

e forsa a indica cu un mandato asina ta necesario pa nan por manda tropa.

Rusia, China y Algeria a expresa oposicion na e propuesta aki, y tur miembro di e Consejo menos dos a entrega sugerencianan pa cambia e texto, segun un di e diplomaatnan.

E punto di controversia tabata relaciona cu e caminda pa un estado Palestino independiente y e timeline pa retira forsanan Israeli for di Gaza, segun dos di e diplomaatnan. E propuesta nobo e siman aki ta responde na e preocupacion cu e resolucion no tabata visualisa un futuro estado Palestino—pero sin absoluto.

E ta bisa cu despues cu reforma den e Autoridad Palestina “ser implementa fielmente y reconstruccion di Gaza avansa, lo tin condicion pa un caminda creible pa autodeterminacion y statuto di estado Palestino.”

“E gobierno di Merca lo establece un dialogo entre Israel y Palestina pa logra un horizonte politico pa coexistencia pacifico y prospero,” e texto ta agrega.

## Siria ta habri su embahada na Londres atrobe despues di mas di un decada

(AP)—Minister di Asunto Exterior di Siria a habri oficialmente e embahada di su pais na Londres atrobe diahuebs despues cu e tabata cera pa mas cu dies aña, un paso nobo den e reintegracion di Siria den comunidad internacional despues di e caida di ex-presidente Bashar Assad.

E bishita di e minister Asaad al-Shibani na Reino Uni a tuma luga despues di un bishita historico na Washington pa presidente interino Ahmad al-Sharaa, e prome bishita di un presidente Sirio na Merca desde e independencia di e pais na 1946.

Al-Shibani, ken tabata papiando na un evento organisa pa Chatham House, un think tank di asuntonan internacional basa na Londres, a bisa cu e reunion cu su homologo Britanico, Secretario di Asunto Exterior Yvette Cooper, tabata “exitoso.”



“Relacion entre Siria y Britania ta un relacion avansa y nos no ta papiando di bira na un pagina nobo—nos ta papiando di profundisa esaki,” el a bisa.

Despues di e caida di Assad, mientras cu algun pais ta-

bata cauteloso na comienso pa motibo di e pasado di al-Sharaa como un militante Islamita, el a bisa cu “Reino Uni tabatin un posicion progresivo compara cu otro paisnan.”

“Nan a kita sancion tempran y nan a habri relacion rapi-

damente cu e gobierno Sirio nobo,” el a bisa. “Nan a duna nos sosten den e Consejo di Seguridad di UN y tambe den hopi asunto delicado.” Aunke cu e gobierno nobo di Siria a haya sosten amplio for di paisnan cu tabata rechasa e gobierno di Assad despues

di un represion brutal contra manifestantenan pa su forsan di seguridad na 2011 cu a resulta den un guerra civil di 14 aña, tin paisnan cu ta keda preocupa tocante e situacion di minoridadnan bao e sistema nobo.

Na e costa di Siria y den e provincia Meridional Sweida a surgi un conflicto par luna pasa y esaki a resulta den represalia sectario, unda hombernan arma Sunnita pro-gobierno a mata centenares ciudadano di e grupo religioso minoridad Alawita y Druze.

Al-Shibani a bisa diahuebs cu mas o menos 300 persona ta deteni pa nan rol den e violencia na e costa y cu gobiernu no a purba di recluta Alawitanan pa sirbi den polis local.

“E eror of crimennan cu a sucede sigur no ta algo cu e gobiernu Sirio ta acepta,” el a conclui.



## Afganistan su comunidnan fragil ta cay bao presion mientras miyones ta regresa cas

(AP) — E regresa di miyones di ciudadano Afgano na nan pais di origen ta pone presion extremo riba comunidnan cu ya caba ta lucha, cu nuebe for di dies famia den area cu tin tasa halto di regreso awor ta pasa hamber, of ta dren-ta den deuda, of ta bende nan pertenencian pa sobrevivir, segun Nacionnan Uni.

Un encuesta publica diahuebs door di United Nations Development Programme a bisa cu e regreso di 2.3 miyon Afgano te awor e aña aki, hopi di nan obliga pa sali for Iran y Pakistan, a “intensifica drasticamente e presion riba sistema cu caba tabata fragil.”

Afganistan tabata lucha caba despues di decada di conflicto, teremoto reciente, eventonan climatico y contraccionnan economico, e rapport di UNDP a bisa, agregando cu e yegada di miyones di Afgano cu ta regresa “a aumenta competencia pa trabao, awa y cas, poniendo presion adicional riba cohesion social y servicio local.”

E rapport tabata basa riba un



evaluacion di 48.711 cas Afgano, incluyendo apenas mas cu 1.500 famia cu a regresa, ehecuta den juli y augustus, den tur 34 provincia di Afganistan. 90% di cas den area cu tin nivel halto di regreso a reporta cu nan mester a salta cuminda, bende pertenencian of pidi placa presta, e rapport a bisa.

Muhenan y muchanan muhe a ser afecta particularmente hopi malo, segun UNDP. Gobierno dirigi door Taliban

den Afganistan a limita severamente derecho di muhenan y muchanan muhe, incluyendo restriccio riba nan movecion for di cas y prohibicion pa hopi trabao, asina tambe pa educacion secundario y educacion di universidad.

Mas cu 4.5 miyon hende a bolbe na Afganistan desde september 2023, aumentando poblacion di pais cu 10%, e rapport a bisa. “Regresa masivo a tuma luga den un contexto di caida economico desde 2021,

capacidad fragil den institucionnan social y economico despues di añas di conflicto, yudansa cu ta baha, y evento climatico repetitivo.”

Mas cu mita di famianan cu a regresa a bisa cu nan ta laga cuidio medico pa por paga cuminda, mientras acceso na awa limpi ta ser mas presiona, cu comunidad local y Afgano cu ta bolbe ta depende riba rio cu ta bini cu cierto temporada, pos di awa superficial of traha door di hende, segun e rap-

port.

Teremotonan, ola di awa y un sequia severo tambe a golpia e pais. Un teremoto grandi y replica den parti oost di Afganistan den augustus a mata mas cu 2.200 hende. Algun di e regionnan afec-ta tabata esnan cu tin nivel mas halto di regreso, cu UNDP bisando cu 1 miyon hende a ser afecta y mas cu 8.300 cas a ser destrui. Un otro teremoto poderoso a golpia parti nort di Afganistan luna pasa, matando 27 y heridando casi 1.000 mas.

UNDP a agrega cu “intervencion diplomatico sosteni” door miembro di ONU por yuda proteha poblacion vulnerabel.

“Accion urgente ta necesario awor mes, prome cu e desafio den area di regresa ta fortalece desplazamento, exclusion y instabilidad, y ta alimenta ola nobo di huymiento y migracion afo di e pais,” segun e rapport di UNDP, agregando cu “Afganistan no por permiti mas atraso, y e region tampoco.”

## Cambodia ta evacua un barrio na frontera mientras tensionnan cu Tailandia ta aumenta

(AP) — Cambodia a evacua centenares di hende diahuebs den un barrio na su frontera cu tin un disputa cu Tailandia, un dia despues cu un residente a ser reporta mata ora tiramento a surgi entre e dos nacionnan.

E tiramento di diaranson a tuma luga dos dia despues cu un soldad Tailandes a perde un pia na un mina den un otro area di e frontera. Tailandia a culpa Cambodia pa e explosion y a anuncia cu e ta suspende cumpli cu condicionnan di un alto-el-fuego, parcialmente media door di presidente di Merca Donald Trump.

Disputanan teritorial tocante exactamente unda e frontera ta pasa entre e dos bisiña den Suroost Asiatico a yega na cinco dia di conflicto arma na final di juli cu a mata decenas di soldad y ciudadano pero tension a keda halto. Hopi condicionnan di un acuerdo di



alto-el-fuego mas detaya firma luna pasa no a ser implementa ainda.

Un homber Cambodiano identifica como Dy Nai supuestamente a ser mata den e tiramento di diaranson, mientras tres otro hende a ser herida.

Bao di 250 famianan di barrio Prey Chan den provincia norttoost Banteay Meanchey — unda e tiramento a tuma luga — a ser evacua pa un

tempel Budista mas o menos 30 kilometer for di e frontera, segun Ly Sovannarith, vice-gobernador provincial.

E mesun barrio tabata e sitio di un confrontacion violento pero no mortal den september entre personal di seguridad Tailandes y habitantenan Cambodiano.

Ministerio di Defensa di Cambodia diahuebs a guia miembro di un team asigna door di monitorea e alto-el-fuego na

e frontera. E team di observadornan a inclui oficialnan for di e Organizacion di Suroost Asiatico, ASEAN.

Prome minister Cambodiano Hun Manet for di diaranson a pidi un investigacion independiente riba e incidente pa trece husticia na esnan afecta door di e tiramento.

E alto-el-fuego aparentemente a desmantela despues di e explosion di mina mas adelante e siman aki. Tailandia a acusa Cambodia a pone mina nobo den violacion di e trato, loke Cambodia a nega. Tailandia a bisa cu e lo para implementacion di e acuerdo indefinidamente. E tambe a demanda pa Cambodia pidi disculpa, haci un investigacion profundo y implementa medida pa preveni tal incidente den futuro.

Hun Manet a bisa cu e tiramento a tuma luga despues cu forsanan Tailandes a ehecuta “hopi accion provocativo pa hopi dia cu e obhetivo pa in-

stiga confrontacionnan.” El a agrega cu Cambodia lo sigui honra e condicionnan di e alto-el-fuego.

E ehército Tailandes a alega cu soldadnan Cambodiano a los tiro na un distrito den provincia oost Sa Kaeo di Tailandia, y cu banda Tailandes “a los tiro di advertencia den respuesta.”

Tailandia y Cambodia tin un historia di hostilidad cu ta bay back siglos, ora nan tabata imperionan den guerra. Nan reclamacion teritorial ta bay back principalmente na un mapa di 1907 pinta ora Cambodia tabata bao di colonia Frances, cu Tailandia a bisa no ta corecto.

Den 1962, Corte Internacional di Husticia a asigna soberania na Cambodia riba un area cu tabata inclui tempel Preah Vihear di 1.000 aña, loke te ainda ta irita hopi Tailandes.

E acuerdo di trato di october no ta specifica un ruta pa resolve e base di e disputa.